


PONO YA PATMOSI

 . . . Sina Muzwale Neville hana sweli kufa lizibiso zani, za na bulela Muzwale Moore zazi leliñwi, kuambola za Moya wa Mulena, ataha . . . kutaha mwa muyaho. Ki hali, “Neli omutuna hahulu mwahali mwani kufitela Ni nahana kuli Kuungelwa ne kutile konji ha Ni talima kafa ni kafa, Na bona babañwi inge ba sa inzi fa,” se nili, “batili, ha ku sika ezahala kale, kakuli haiba—haiba ba sa li teni Ni ziba kuli Ni sa li teni nina.” Kona kuli nako yeñwi Moya wa Mulena ubanga omunde hahulu cwalo ku luna.

² Lu tabile hahulu ka kuba ni balikani babañata hahulu bo lubona mwa muyaho mo. Ki babañata hahulu kuli lulike ku ba punda fa mabizo. Ni lemuñile fela, ha ni kena fa munyanko, Muzwale Carpenter, muuna yana lu nyalisize Na ni musalaka. Muzwale Carpenter, ubile mbuyoti yetuna hakalo ku luna mwa keleke mo, mi ubile mbuyoti ku luna mwa mukwa wa bulumiwa, mi ukutaza kai, ni kai kaufela. Mi lu tabile fa kuba ni yena, oh, ni babañwi babañata fela.

³ Cwale kuna ni puzo yeñwi fa yene ni filwe maabani manzibwana:

Muzwale Branham, kana balanjo baba likuba baba ketalizoho ba Mateu 25 ba balelwa mwahala bo masiyaleti ba Bamacaba? Ni utwisisa kuli balanjo baba ketalizoho ba likuba ne ba pilisizwe kono bana ni kufita mwa nako ya nyandiso. Kana ku cwalo? Haiba ku cwalo, mafelelezo a bona akaba sikamañi? Kana ikona kuba lipuli ze ka kauhanyiwa kwa lingu mwa Mateu 25:33 ni 34?

⁴ Ki muituti yomunde wa za bulapeli kuya ka mo Ni . . . [Hakuna manzwi fa tepu—Mu.] . . . ni sepa cwalo nina, kuli ki bo masiyaleti, mwalanjo ya lobezi ki yena ya bulezwi mwa Sinulo; wa peu ya musali ya buluka milao ya Mulimu mi yana ni bupaki bwa Jesu Kreste. Musali uka nga si—si siemba sa libyana ni ku li lula fafasi; kihande, cwale, zeo kona ze mu kauhanya . . . kamba zenga siemba sa hae ni ku mu beya kaufela kwa tabela, ka mukwa wa ka kauhanyezwa kwateni. Mi kaufela za siyile kwa mulaho li bizwa masiyaleti, kono uketa ku li kauhanya kwa sibaka sesiñwi ka tukuluho ya kunahana kwa hae. Kono baba siyezi kwa mulaho ba bizwa bo masiyaleti.

⁵ Cwale, haiba mu lemuha, nekuna ni basizana baba ketalizoho baba bukuba ni baba ketalizoho baba butali; kaufela bona beli basizana ba balanjo, ne ba zwa ko kuswana. Kono, ka keto, Mulimu na ketile Munyaliwa wa Hae ka kuketwa ku si kaba kale ni mutomo wa lifasi, a ñola mabizo a bona mwa Buka ya Ngunyana ya Bupilo yetabilwe haisamba lifasi li tomwa; mane

kale mutomo wa lifasi u si ka kalisa, Mulimu mwa munahano wa Hae, kakuba ya sa palelwi ni kufela.

⁶ Mi luitusisanga fokuñwi linzwi, la kuli “kulemuhiwa kale,” kono leo liutwahala hande mwa lusika lo lupila ku lona loo cwale. Neli nto yetuna luli ha ne li itusiswa mwa lusika lwa babulaiwa, kakuli ne ba lumela cwalo. Kono li zwile ku Lona cwale, kuya kwa mihupulo ya ba za milao, tuto ya ba za milao mwa keleke yetile. . . Yeneli nto yende, kakuli kaufela zona ne se liile mwa Bukalbini mwa England kufitela mane batokwa kuba ni ancafazo ni yekana, mi John Wesley ataha inza kutaza tuto ya Arminian yene tilo lukisa lika. Mulimu ukana a lukisa lika kamita.

⁷ Kona kuli mwanjanjo wa sikuba ki yena yana sina oli mwa malambi a bona, ye Ni lumela kuli na lelekezwi kwa lififi la kwande kokuna ni manyando, ni sililo, ni likwecamo. Mi ha mu ka bapanya zeo, kamba litaba zeñozwi kwatasi, li ka zamaelela hande hape kuyopunya kwa nyandiso yetuna. Mi Ni sepa kuli ki bona babaka ina kwa mulaho ni kufita mwa nyandiso ya balumeli. Mane kuna ni tuto yetuna foo, kambe luna ni nako yakuya mwateni. Haiba muna . . .

⁸ Cwale, muhupule, Ni bulezi kwa makalelo kuli, ha mu utwa matepu abulela kuli, “Lika ze li inzi ka mo Ni lumelela kuli li lukile.” Mwabona? Cwale, haiba li fosahala, Hani—Hani zibi kuli li cwalo. Na. . . Mi Ni kona fela kubulela ze Ni lumela. Mi ha Ni talusi ku nyemisa maikuto a mutu. Lu lukela fela kulibeya kwatuko halu taha mwahali, mi kipeto ni kunga lika ze bulezwi, ni ku li alunguta, ni kubona haiba luli ki Mañolo kamba kutokwa. Cwalo kona mukwa o munde mwa kuezeza lika. Mi . . . Kakuli mwa lizazi leliswana sina le lupila ku lona cwale, mwa naha ye bubuzwi fa ni fa ni fa ni fa ka lika za mifuta kaufela, kihande, kutata kunga batu kuli ba li utwisise ona foo, sihulu mo liinezi mwa litaba za bwanjanjo. Mwa ba bulelela, ba li lumela, kona mo li zamaela cwalo.

⁹ Kono, cwale, yo uka taha ni muhupulo *woo*, mi yomuñwi uka taha ni muhupulo *woo*, mi luna ni likopano ze mianda ye naini ni zeñwi fahalimu ze shutana za likeleke, mi yeñwi ni yeñwi ishutanela kwahule (tuto ya hae) ni yeñwi; mi ku lukela kuba ni ya lyangani, ni yomuñwi ya bulela niti. Kona kuli cwale bupaki bunosi fela ki, ku li kutisa kwa Bibebe; mwabona, kulumeleza Bibebe. Cwale, linako zeñata, batu ba beyanga toloko ya bona. Kono luna lulika mo lukonela kaufela, isiñi kubeya toloko ya butu ku zona. Ki ku I bala fela ka mo I inezi, ni kubuela kuli, “Cwalo kona mo I inezi.”

¹⁰ Mi cwale Ni lemuñhile kamita, hamukona kunga fela Sa bulezi, lika lumelela lika kaufela mwahala Mañolo. Ku swana sina ku kopanya lisaha zepeli meeno a zona hamoho, muna ni kutalimela fa mufuta mu si ka kopanya kale lika haiba li lukile.

Haiba mu sa ezi cwalo, Ni bulezi kamita kuli, “Mukaba ni . . . Mwa mubonelo wa mina, mukaba ni siswaniso sa komu ye fula bucwani fahalimwa kota.” Kona kuli ha—ha lina kubonahala fela hande.

¹¹ Mi haiba lukona fela kulumeleza Moya o Kenile . . . Kimañi ya na ñozi Bibebe? Ki Moya o Kenile wo no zamaisa baana bene ba ñozi Bibebe. Mi kusina Moya o Kenile, hakuna taba kamba u ya itutile cwani, hauna ku I utwisisa. Kakuli nihaiba yena Jesu na itumezi ku Mulimu ka ku I patela meto a baba butali ni ba bangana, mi a I patululela limbututu ze kona ku ituta. Mi ufi ni ufi wa balutiwa nebali baba si ka ituta kamba mane litimbi fela konji alimumu, mi yoo neli Paulusi. Mi Paulusi na bulezi kuli nana ni kulibala kaufela za na ziba ili kuli afumane Kreste. Kona kuli abulelela keleke ya Makorinte, kuli “na si ka taha ka butali bwa batu ni lingambolo zetuna,” kakuli foo—foo tumelo ya bona neika toma fa butali bwa batu, kono ataha ku bona mwa mata ni ponahazo ya Moya o Kenile, kuli tumelo ya bona itome fa misebezi ya Moya o Kenile kuya ka Linzwi la Mulimu. Mi ona foo kona fo lu lika kuyendamena katata luli, ona faa, kakuli ku si ka fela kale biki yee, kamba fo ku felela biki ye, mu ka li bona, ona zeo kona ze bile teñi, ona muhala nyana wani utahile cwalo mwahala lusika.

¹² Ni itumezi ka kupahamisa nyana limati. Li bonahala hande.

¹³ Cwale, oh, luka . . . Ni lakaza kuli kambe ne lukaba ni zona mwahala maliha kaufela, kona kuli lu ka nga fela Buka yetezi ya Sinulo ni ku kena fela hande Kuyona. Ki tuto yende hahulu ye fumaneha mwateni. Mi Na hupula, Ni sepa kuli seli myaha ye mashumi amabeli kwa mulaho kamba mashumi amabeli ni yeketalizoho, keleke ha ne isali ye nca, ne lu kalile iliñwi . . . ya makalelo ya wa, mane ne se isutelela kwa litabula lelitatama, kuli lufeze Buka ya Sinulo.

¹⁴ Cwale, Ni hupula ha ni nga Buka ya Jobo. Oh, Muzwale Wright! Ne ni inzi ku yona fa nako yetelele hahulu kuli mane kwa mafelelezo musali yomuñwi a ni buza, ki hali, “Muzwale Branham, kuli kana uka feza ku zwisa Jobo fa libunda la mufuse?” Kihande, Ne ni lika kueza kuli bautwisise, kakuli ona fani kona fo ne kuna ni lika kaufela, ona fa sibaka sani; kuisa fa nako foo Moya wa Mulena ha u mu tahela, mi cwale mamonyi ha kala ku monyeha ni ku luma mishika, Moya wa tahela mupolofita mane abona kutaha kwa Mulena. Mi ne Ni bata kueza kuli bautwisise sani, kona hane Ni mu tomile fa libunda la mufuse fa nako yetelele cwalo, kuli—kuli lukone ku zibahaza taba. Mi Ni ziba kuli za kona ku katalisa nyana, babañwi. Nabanga ya ikalezwi, nina, mi Ni utwa babañwi baba liza nto yeñwi, mi kubonahala inge uka yo fita fateni. Kono mwendi ki Mulimu ya zamaisa mutu yani kueza cwalo.

15 Cwale lu kutele ko bo masiyaleti baa, lu si ka zwa kale kwa puzo. Ni sepa Ni ka iutwisisa. Ye...Ni lumela kaniti kuli masiyaleti ba ketilwe ki Mulimu. Na—Na lumela cwalo, kuli Mulimu na ketile bo masiyaleti lifasi li si ka tomwa kale; mi U ezize cwalo ka “kuziba kwa hae.” Ha ki linzwi... Cwale mutalimele baba *zibilwe* kale, mwabona, kakuli ki linzwi la ketululo cwalo mwahala sicaba. Mwabona? Kono Mulimu, kusikaba kale mutomo wa lifasi, mwa muhupulo wa Hae omutuna o safeli, na ketile Keleke, aketa Jesu, aketa Keleke, mi na kona ku bulela isali kwa simuluho mo ne ku ka bela kwa mafelelezo. Yena...Haiba Haana mafelelezo, hakuna sika sa Na sa zibi. Na ziba mununu kaufela o no kaba mwa lifasi, ni likano ze u ka kobyaa meeto a ona. Cwale, cwalo kona fela...ni lufulo kaufela lo uka eza, ni kuli kaufela zona li ka fita kai hamoho. Zeo halina mafelelezo, ki kusa fela; muka—muka...hakuna mukwa wa ku Li tatulula ka ona. Mi Mulimu, kona Sa li sona, ki Mulimu ya sa feli.

16 Kacwalo, haiba mu lemuha, Bible ibulezi kuli mwa mazazi a maungulo antikreste ya ka taha mwa lifasi... .

17 Cwale amuteeleze ka tokomelo! Ao kona fela mafosisa o... Ni sepa kuli ukona kufumana ma milioni ku na. Kono ku Muzwale waluna yomunde Billy Graham, ka zazi leliñwi, ona kutazo yende ya na kutsalize yani la Sunda yefelile, mi Ni sepa kuli ne li liñusa le liswanela luli. Mi...kono na bulezi kili “Satani mane u puma ni Baketwa.”

18 Batili, Bible ibulezi kuli, “U ka puma ni bona Baketwa *haiba* ku konahala.” Kono ha ku konahali, kakuli Mulimu na ba ketile ku si ka ba kale mutomo wa lifasi. Mwabona? Ngunyana...Jesu Kreste neli Ngunyana yetabilwe haisamba lifasi li tomwa. Foo Mulimu ha beya mwa munahano wa Hae, kifoo Ha bulela Linzwi lani, Ha likoni kucinca, Ha li koni kufetuha. Mwabona, kakuli Yena—Yena—Yena haafeli, mane Manzwi a Hae akana a ezahala.

19 Munahane fela, ona luli...lifasi le lu inzi ku lona busihu boo ki Linzwi la Mulimu le li bonahalile. Lifasi ne li ezizwe hamoho ka lika ze sa bonahali. Na bulezi fela kuli, “Ha kube sa kuli,” mi sa ba teñi. Ha ki bunolo ni boo kuli Mulimu afolise mubili o kula kanti, haiba Wa kona kuyaha pupo ka ku i bulela fela. Mwabona, Linzwi la Hae. Haiba likona fela kuba ni tumelo kuli lubone Linzwi la Hae seo lili sona! Lu tamehile hahulu ku za lifasi ni ku sitana mwa minahano kuli lu...Oh, Ha ni zibi. Lu bile ni lituto za mihupulo feela, mubone wa yoo, ni mubone wa yani, mi—mi li lu tisa fela fa sibaka fo lu lyangana fela. Kono haiba ne mu ka nyunga taba kaufela mane iceputuke, mu to ziba kuli Ki Mulimu, mi Manzwi a Hae haakoni kupalelwa sina Yena ha sa palelwi. Mi haiba Linzwi lani li palelwa, kona kuli Mulimu kele apalelwa; mi haiba Mulimu apalelwa foo...Kona kuli ha ki Mulimu. Mwabona? Kacwalo...Mi mwa hupula, Ha

koni kubulela taba iliñwi *fa* ni taba ye shutna hape *fa*; Una ni kuinelela ni keto ya hae ya makalelo fa kuli abe Mulimu. Kacwalo, luna ni fela- . . .

²⁰ Mi U lu kupa feela nto iliñwi, ki kulumela kuli Sa bulezi kona Niti, mi Uka li petahalisa liezahale. Oh, ha ki bunde ni boo! Ha mu libelela nto yeñwi kuezahala; fokuñwi si lwala fela tumelo nyana. Hasina kueza makazo, kono haiba u swalelela ku sona, si ka ku tisa fande; upile fela hande ni lona. Sina mwa Na bulelezi kuli, “Peu ya masitete, ki yenyinyani hahulu mwahala lipeu kaufela.” Kono kana mwa ziba, masitete haikoni ku swalana ni sika kaufela. Hamukoni ku zwakanisa peu ya masitete ni peu isili, halina ku lumelelana. Mi haiba una ni tumelo, tumelo nyana fela haiba ku zwakana ni ku sa lumela kaufela kamba kuba wa keleke fela kamba lituto za bulapeli, upile fela ni Mulimu, upile fela hande ni Lona, Li ka ku tisa hande mwahala mbundu, ku kuisa fande. Eehe! Uine fela hande ni tumelo yeo.

²¹ Cwale, makalelo, fani Mulimu . . . Biblele ibulela cwana, mwa Sinulo, kuli “Antikreste, mwa mazazi a mafelelezo . . .” Cwale amutalime fa likeleke ze kaufela zesweli kutaha hamoho. “Ki antikreste, mwa mazazi a maungulo, ya ka puma kaufela ba ba yahile mwa lifasi be mabizo a bona ha si ka ñolwa mwa Buka ya Ngunyana haisamba mutomo wa lifasi.” Ki lili libizo la hao ha ne li ñozwi mwa Buka ya Bupilo? Lu si ka ba kale ni lifasi, no ketilwe kuli u ka amuhela Moya o Kenile mwa sebelezo ye.

²² Ni lumelelana ni Eddie Perronet yana ize:

Ni kenyize moyo waka mwa sibaka sa pumulo,
Ha ni sa sila mawate a bapukile a kukakanya
ni kamuta;
Liñungwa la kona ku kasha, fahalimwa buliba,
Kono ku Jesu lu iketile kuyakuile.

²³ Hakuna ze kona ku lu kauhanya (Mulimu hakoni . . . ha kutangi mwa mulaho wa Linzwi la Hae. Mi haiba Yena haashwi, mi u mifa Moya o Kenile *fa*, inge aziba kuli Uka ku bulaya fa sibaka *se*, ki musebezi wa mufuta o cwani Wa eza he?), haiba ha u si ka pumiwa mwa kutwisiso ya hao, haiba una ni Moya o Kenile. Kono tokomela se ibulezi Biblele, Maefese 4:30, “Musike mwa halifisa Moya o Kenile wa Mulimu, o mu swailwe swayo ka ona kuisa . . .” Ancafazo yetatama? Kana seo sa utwahala hande? “Mu swailwe kuisa kwa lizazi la kuliulumwa kwa mina!” Kuisa luli? Kufitela mu liuluzwi.

²⁴ Munge mota yelonga libyana, mwa ilonga kwa mulaho wa yona, mi ha se ilongilwe hande ka swanelo . . . Cwale, haba koni ku lumeleza mota yeo kuli ifunduke, mutikitibi una ni kutaha pili. Mi a to alunguta, mi abone haiba kuna ni se si ka nyanganya. Simbayambaya sa kona . . . Mota yatani yakona kulongiwa hande, kono haiba ina ni libaka ze ceputukile mwateni, muna ni ku ilonga sinca hape. Mi bwani kona butata,

buñata bwa luna ha lu amuheli Moya o Kenile; mutikitibi ha taha, U fumana lika zeñata ze ceputuka, mwa bona, kipeto Ha na ku li swaya.

²⁵ Muituti yomutuna wa za bulapeli na tile zazi leliñwi, kamba ha ki zazi leliñwi, se li myaha ye milaalu kamba yemine cwale yefitile, mi ki hali, “Ni bata ku ku buza nto yeñwi.” Ali, “Abrahama na lumela ku Mulimu, mi abalelwa kuli ki kuluka.”

Se nili, “Yeo ki niti, luli.”

Ali, “Ki sikamañi hape sa kona kueza mutu kwanda ku lumela?”

Se nili, “Kona fela za kona kueza kihina.”

²⁶ Ki hali, “Cwale u ya kai ni litaba za Moya o Kenile zeo kwanda ona koo?” Cwale, mwaziba ne li wa Baptist. Mi ki hali—ki hali, “Uka kai ni Moya o Kenile woo?” Ali, “Haiba mutu a lumela! Nako yo lumela, u amuhezi Moya o Kenile.”

Se nili, “Batili, batili. Cwale, una—una ni likañi ka Mañolo, Mañolo aikananisi Ona añi. Mwabona? Paulusi na ba buzize kuli, ‘Kikuli mu amuhezi Moya o Kenile nako ye mu lumela?’”

Mi ki hali, “Kihande . . .”

²⁷ Se nili, “Ki niti kuli Abrahama yena ndatahe tumelo na file . . . nana ni sepišo ya Mulimu mi alumela ku Mulimu, mi abalelwa kuli ki kuluka, kono A mufa liswayo la mupato ka kuba sisupo sa kuli Na amuhezi tumelo ya hae.”

²⁸ Cwale, haiba Ha si ka ku swaya kale ni Moya o Kenile, Ha si ka amuhela kale tumelo ya hao kanti ku Yena, u sa na ni libaka ze sa ceputuka. Mwabona? Wa kona ku lumela, eehe, kono inge ku na ni libaka zeñata ze ceputukile. Kono ha u so lukisize libaka ze cepeta kaufela, kipeto Wa ku swaya ka Moya o Kenile kufitela lizazi la ku liululwa kwa hao. Yeo kona tiisezo ya Mulimu kuli U amuhezi tumelo yo bulezi ku Yena.

²⁹ Abrahama na bulezi za tumelo, mi Mulimu ali, “Ni ka kufa sisupo cwale sa kuli . . . kuli Ni ku amuhezi.” Mi A mu fa sisupo sa mupato.

³⁰ Cwale, ha u amuhela Krete kuba Mupulusi wa Hao ni ku lumela ku Yena ni ku Mu kupa kuli a kenise bupilo bwa hao, mi kipeto Ha kuta ni Moya o Kenile ni ku kufa sisupo sa Moya o Kenile, kona kuli u swailwe kuisa kuliululwa kwa hao.

³¹ Ona mota ya simbayambaya ye, haiba ika ceputuka . . . Ha se ilongilwe hande hamoho mi kipeto ba kwala sikwalo ni ku beya liswayo fateni fateni, mi i—i swailwe kufita ku iya, makampani a linjanji aka mi fa mulatu haiba mu kwalula liswayo leo. Ha li lukeli ku lobiwa. I swaile kufita ko iya; haki kuli mutu kaufela mwa mota yeo uka ikwalula ni kuitalima, ni kuitalima ku i alunguta hande, ni kunepela lika zeñwi fande, kubeya lika zeñwi mwatani. Batili, batili!

³² Keleke *ye* ika bulela kuli, kihande, ona tuto ya tumelo yani, “*Ye* ha ki nto yende, *yeo* ha ki nto yende.” Haiba Mulimu ukufa Moya o Kenile, ku felile! Wa ziba fo yemi, wa ziba ze ezahalile, mi u swailwe kuisa musipili wa hao kaufela kuya kwa kuliululwa, ko libile mwa musipili wa hao fa lifasi. Oh, mawi! Zeo li lukela kueza kuli mutu kaufela abe ni tumelo mi alumele Mulimu, mu yeme fela mwa Moya o Kenile.

³³ Cwale, balanjo ba ne ba si ka amuhela Moya o Kenile, (Mwa hupula?) nto inosi fela yene basina neli oli mwa lilambi za bona. Kana ku cwalo? Bibeke ibulezi kuli *oli* iyemela “Moya o Kenile,” ki kabakaleo ha lu tozanga bakuli ni oli, ni zeñwi cwalo, kakuli ki sisupo sa Moya o Kenile. Cwale, mi cwale haiba—haiba Moya o Kenile no si ka taha ku bona, ne ba sina Ona. Mi cwale Ha taha, se bali . . . Cwale, kwa balanjo bene bana ni oli, naize . . .

³⁴ Mwa bona, ne ba kutezi mwa lusika lwa keleke; nekuna ni babañwi ba bona mwateni bene bali batu babande kono ne ba si yo mwa Liseli, se Ni talusa, ni muhala inge u cimbekilwe mwa oli. Mwabona, mi no zwezi kwande. No zwezi fande, ne ba ikauhanyize ili bona. Paulusi naize, mwa lizazi le, “Ba zwile mwahala luna, ka kubona kuli habana tumelo.” Mwabona, mo ba zwa ku bona, “Ba zwile ku luna kakuli ne si ba luna.” Cwale, ne li kalezi kwa mulaho kwani mwa lusika lwa Efese ni kutaha fafasi mwa lusika lo lwa kacenu. Nto yeswana, yeñwi ni yeñwi ya masika ani, ze ne ezahalile ku yona ne li ezahalile ni mwa masika a kulo faa. Lu ka kena ku zona ka butuki fa nako nyana.

³⁵ Cwale, mulemuhe kuli mwalanjo yoo, nihaili cwalo, ne keni mo ne ku na ni sililo, kutonga, ni kukwecameno.

³⁶ Haluboneñi ni bulele cwana, mulikana ka ya lateha yomunde; kakuli hañata kwa keleke kwanu, ha Ni taha kwanu, Ni tahanga fela kwanu ku to ba ni sebelezo ya foliso ni ku lapelela bakuli, ni kuya kwande mwabuse bwa naha kokuñwi. Kono ye ki yona nako, Ni bile ni mi bulelela fa nako yetelele, kuli mubeye lizwalo la mina mwa pokoto. Cwale lu bata—lu bata kutahanga ka kusepahala ni kuba babana ni niti ku mañi ni mañi, kakali lu kwa lizazi la mafelelezo. Eehe!

³⁷ Cwale, foo kona mina babande ba Nazarene ni Pilgrim Holiness fo mu palelezwi mwatasi kukeniswa. Mwabona? Cwale, kana mwa ziba kuli Judasi Isikariota na pilile hande kufita fa sibaka sani? Judasi na lumezi ku Mulena Jesu kuba Mupulusi, na Mu amuhezi kuba Mupulusi. Mi hape na kenisizwe. Na kenisizwe, mwa Joani 17:17, fani Jesu ha na ize, “Ndate, u ba kenise ka Niti, Linzwi la Hao koa Niti.” Mi Nali yena Linzwi. Ku lukile!

³⁸ Mwa Mateu 10, ne ba filwe mata a kufolisa bakuli, ba zusa bafu, ba leleka mioya. Mi ba zwela kwande mwa libaka kaufela za—za naha ku yo leleka mioya, mi ba yo kuta inge ba tabile ni ku lumba Mulimu. Mi Jesu ali ku bona, “Musike mwa taba

kakuli mu kona mioya, kono mu nyakalale kakuli mabizo a mina a nozwi mwa Buka ya Bupilo.” Kana ku cwalo? Mi Judasi nali ni bona, Judasi nali ni bona, kono fani neli silimo ni likweli ze silezi Jesu asika kokotelwa kale.

³⁹ Cwale, ha li to fita fa Pentekota, kuli Judasi a amuhele Moya o Kenile ni zeñwi cwalo, abonisa mubala wa hae. A— a latula Jesu, mi aba mukwenuheli ku Yena. Mi cwalo kona fela mo kuinezi ko kutahile moya wani; kuto fita ni ku Luther, Wesley, atisa keleke yani ku kena mwa kukeniswa ka bupilo bwa bwalanjo (yakenile, yasina masila, ya kenile, yomunde, batu babande hakalo ku be mukile mwa katana fateni), kono cwale ha li taha kuza . . . ha ba ya ku za ku bulela ka malimi ni kuamuhela Moya o Kenile, ba Nazarene, Pilgrim Holiness, Free Methodist, kipeto bali, “Yoo ki diabulosi.” Mi ona foo kona fo mu nyefulela Moya o Kenile ni kuikwalela kwande kuyakuile; “Kakuli ya bulela linzwi kaufela kulwanisa Mwana mutu uka swalelwa, kono yoo kaufela ya ka bulela kulwanisa Moya o Kenile haana kuswalelwa.”

⁴⁰ Muhupule, balutiwa kaufela ne ba bulezi ka malimi. Jesu Krete na shwile fa sifapahano, inza bulela ka malimi. Uh-hum. Kona kuli haiba hamukoni kutalimana ni bona faa, mube mwa silikani ni bona fa, kucwani he ka zeo foo? Ku bona . . . Haiba ye ki mioya, kona mo ne bainezi ni bona. Kona kuli mwa bona kwa na bonisize mubala wa hae? Se ku taha mwalanjo, neli ya kenile sina kaufela bona, bupilo bo bupetehile. Ni ka nga mufuta wa kale wa likeleke za ba Nazarene, Pilgrim Holiness, bene ba lumela hande mwa kukeniswa, hamukoni kusupa munwana fa bupilo bwa bona; neli baba kenile hahulu. Ki nto yende kuli kaufela luna lutabela kuba cwalo. Yeo ki niti, muna ni kubata kuba cwalo.

⁴¹ Cwale, lu ziba kuli luna ni babañata mwahala Mapentekota baba likanyisa fela. Yeo ki niti. Mu sa bona fela dollar ya butaha, muziba kuli izwile ku yende, ku ya niti. Yeo ki niti. Mi kuna ni—kuna ni Moya o Kenile, Wa niti uka bulela ka malimi ni kubonisa ze komokisa, mi kubile cwalo kuzwa kwa Pentekota. Kona kuli luna ni kuba ni bona balikanyisi bani. Lu lukela kuba ni musali ya maswe ya si yomunde, kuli musali yomunde a bonahale. Luna ni kuba ni litolo ze sabisa, lififi lelinsu bwii, kubonisa kuli liseli la lizazi ki lelinde. Yeo ki niti. Mi una ni ku kula, fakuli uikole buiketo bwa mubili. Mi ki mulao wa kupepana; mi ku—mi ku bile cwalo kamita, mi kamita likana liba cwalo, haibile fela kuna ni nako.

Cwale, kacwalo, fani kona fo ne kambamezi keleke.

⁴² Cwale, hanili Jesu na bulezi kuli “Mwa lizazi la mafelelezo,” mwa Mateu 24, “kuli mioya yemibeli ikaba fakaufi hahulu ka kuswana kufitela i puma ni bona Babaketilwe haiba ku konahala”? Uh-hum. Kono yena ya na ketilwe kuzwa kwa

mutomo wa lifasi una ni Bupilo Bobusafeli. Bupilo Bobusafeli, haukoni ku ikambusa ku Ona. Ki ka Kuyakuile sina Mulimu mwa inezi, ha mukoni kutuhela kupila sina Mulimu mwa sa tuheleli kupila. Yeo ki niti. Kakuli u siemba sa Mulimu, u mwana mushimani ni musizana wa Mulimu, bupilo bwa hao u cincizwe mi u siemba sa Mulimu, una ni Bupilo Bobusafeli. Oh, Na Mu lata. Mina bona?

⁴³ Cwale, kuna ni yana ni file kapepa fa, ki puzo nyana fa. Haluna kuliye ha hahulu ku ialaba. Mi muhupule, nako kaufela hamubeya puzo fa, Ni ka lika mo ni konela kuli Ni fite ku yona mo ni konela. Kono ye ki puzo yende:

Kuna ni yana bata kuziba haiba kufosahalile kuli basali ba pake, kamba ku opela, kamba kufa mañusa ka malimi, kutoloka mañusa, kamba sipolofita, mwa keleke.

⁴⁴ Batili, ha ku si ka fosahala, ki. . . haibile fela li taha mwa sibaka se sinde. Mwabona? Keleke imwa swanelo, mi kifo fela. . . Ya niti, nzila ya niti mwa kuezeza ki kubulela ka malimi ni lika zeñwi, mañusa a bona afiwa liñusa kuzwelela fa katala, kwali kuba nako yani; kakuli Moya o Kenile usweli kuzamaya sibaka ni sibaka ka nako, sina Paulusi ha na bulezi mwahali mwani. Kono basali ba fuyozwi kuba ni mpo ya kupolofita, mi ba fuyozwi ni ka malimi ni kutoloka, ni lika zeñwi kaufela kwanda ku kutaza. Ha ki bakutazi. Ba hanisiwa ku kutaza mwa likeleke, yeo ki niti, kunga sibaka, kamba kuba muluti kamba sika kaufela mwa keleke. Kono haili kuya ka limpo, musali una ni zeo kaufela, wa kona kunga iliñwi ya limpo za moya zani kaufela kuya ka Makorinte Bapili 12, mi haayo mwatasi litamo kuli liñusa la hae lipalelwe ku utwahala mwa sibaka sa lona. Mwa bona, liñusa kaufela li libelela nako ya lona.

⁴⁵ Haiba kuna ni ya bulela ka malimi, ha ku sina mutoloki, kipeto a ikuzeze konji ha ku na ni mutoloki. Mwabona? Mi mañusa ao afiwanga hañata mukopano u si ka kala kale. Mi kipeto mupolofita. . . kamba mukutazi, ya li mupolofita wa Testamente Yenca, ki mukutazi, yena ha taha, Mulimu ukala ku mu zamaisa, mwabona. Mi cwale ha sa felize, kona kuli mañusa akala, yomuñwi; mi, zeo li sikaba teni pili. Kamita ilukela kuba ka mulao, nako kaufela. Kono musali u na ni tukelo.

⁴⁶ Nto yetatama, Ni tabela fela kuba, ni nge nako nyana fa taba ye, Ni ka bala toho ya taba:

KUKALISA KWA TOLOKO YA BIBELE KA LITUMELO ZETAALU. Washington, Yenda la 15. Muipanguli wa Katolika, ni baituti ba Majuda ka kusebeza hamoho ba kalile kutoloka Mañolo a bonahala kuli ikaba yona Bible ye libelezwi fa nako yetelele ya mayemo a lukile.

⁴⁷ Lika zeñwi mwahali mo Ni tabela kubala nyana Ni si ka zibahaza kale ka zona. Ka manzwi amañwi, mwabona ze lusweli

kubulela, ona cwalo fela sa bulela Mañolo kuli kona se si ka ezahala mwa mazazi aa, mi lika ze lika kopana hamoho ni kupanga siswaniso sa sibatana. Ki niti. Ba likile kueza cwalo, ni kubeleka ku zona, mi cwale bana ni nako yende hahulu ku ye bakile baba ni yona ya ku li zibahalisa, kakuli li mwa mazoho a bona hande luli. Mi ona leo kona libaka lateni le Ni tiseza mañusa a sipolofita aa, kakuli Ni nahana kuli ki nako ye swanela.

⁴⁸ Mi haiba kuna ni yakona ku tahanga busihu ni busihu, lu ka lika ku kalisanga ka kuitahanela ni kuzwa ka nako. Mi haiba Ni sa fezi tuto ye, kona kuli Ni ka zibahalisa cwalo kakusasana habusa. Haiba ha lu fezi mutomo wa 19, timana ya 9 kuisa ku ya 20 busihu boo, lu ka kalela ona foo kakusasana ka teni kiloko. Lu ka mi zibisa kwa mafelelezo a sebelezo, mo lu kana lu zamaela.

⁴⁹ Mi cwale kamuso busihu ki fa keleke ya Efese, makalelo, ku yo punya mwahala masihu a sebene: Efese, ki Keleke ya Lusika lwa Efese; ni Smirna; ni Pergamosi; ni Tiyatira; ni Sardis; ni Filadelfia; ni Laodesia, la Sunda.

⁵⁰ Ka kuziba lika zende ze liteni mwahala musipili cwana, ku tata hahulu ku ikambusa mazoho aka ku zona kufitela nako yeo. Ka kulibona fela fani, ni ku utwa Moya unzo fepa mwahala sicaba, si ni eza fela kubata kutula kapili fela ni—ni kubulela sesiñwi ka zona; kono ki kuba fela ni kulibelela ni ku libeya mwa lusika lwa zona lo lu swanela ka nako ya zona. Kona kuli haiba mu palelwa kutaha busihu, mubone kuli mwaba ni tepu kamba mukwa kaufela o mukona ku Li utwa ka ona, kakuli Ni bata kuli li ye kai ni kai. Mi Ni ezize cwalo kakuli Ni ikutwa ku etelelwa ka Moya o Kenile kuli ni eze cwalo; kona libaka fela ha Ni lika kueza cwalo. Mi Na, kambe Ne ni si ka nahana kuli li ka kona kutusa keleke. . . Mi mwa lizazi le, muhupule, nako ika tuha ifita ko lukaba ni mikopano yee, mi muna ni kueza cwalo cwale halusana ni nako ya ku lieza. Mwabona, ha lu zibi nako ye ba ka tuhelisa zeo, cwale.

⁵¹ Mi kipeto ku kaba ni swalisano mwahala likeleke mi ba ka swalisana ili bona hamoho, ba pange toho ya katengo ka swalisano ya likeleke, kakuli mane se mu nani kale muyaho omutuna wa U.N. mi kopano ifi ni ifi kaufela iteni ku ona. Mi mukaba ni kufumaneha ku zeñwi za likopano zeo kamba ku lelekelwa kwande. Mi yeo kona nako ye luna ni kubonisa mibala ya luna ni kubona hande kuli lwa ziba, ha ki musebezi wa kunuha feela, kono ki kuziba kuli KISONA SA BULELA MULENA foo yemi. Keleke yenyinyani ibile mwa bunyinyani nako kaufela, ki sikwata nyana sa. . . muhala o likani fela, inge ka—ka kahala ka kafubelu ka mwa Bibebe, kono ki Keleke kamita. Mi lubata kuhupula cwalo.

⁵² Cwale manzwi nyana lu si ka bala kale hape. Kakusasana kacenu ne lu talima fa Bulimu Bobutuna bwa Sinulo Ya Jesu

Kreste, yoo Mulimu na Mu patuluzi ku luna kakusasana kuba Bulimu Bobutuna: yena Yomutuna YALITENI (isiñi kuli Ne *niliteni* kamba *nikaba teni*), NITENI, kamita. Mi lu lemuha mwa kauhanyo ya 1 ya Sinulo, ya Sinulo. . . Ki sinulo ya sikamañi? Jesu Kreste. Ki sikamañi sa pili Sa ipatulula Iliyena fa kakuba sona? Ki Mulimu wa Lihalimu. Isiñi mulimu mwa bulalu, kono Mulimu alimuñwi. Mulimu Alimuñwi, mi U ipatulula Iliyena ona cwalo mwa Sinulo ya makalelo. Mi ubulela cwalo linako zene mwa kauhanyo ya 1 kuli kusike kwaba mafosisa. Nto yapili ye mu lukela kuziba, kikuli: Ha ki mupolofita, Ha ki mu—ha ki mulimu yomunyinyani, Ha ki mulimu wa bubeli, Yena ki Mulimu! Yena ki Mulimu. Mi kabakaleo he ku si ka taha kale Sinulo, mi lu sa zwelapili ni Yona busihu boo kushetumuka hanze lu utwa za butu bwa Hae ka kapatululwa ha sebene kwa butu bwa Hae.

⁵³ Mi, oh, mi Mulimu alu tuse halunze lu luta Manzwi aa. Ni—Ni—Ni balile kuya ka mayemo a litaba za kale, kono Mulibelele kufitela Ni taha kwa katala kwanu kuba ni susumezo. Kakuli Ni ikutwa kuli luinzi hamoho mwa libaka za Mahalimu ku Kreste Jesu, mi ni kuli ki ka Moya wa mina, siemba sa hao, ki kutatalakana kwa Mulilo (ona Moya o Kenile) ze li ku Wena litaha ku mutu ni mutu, ni yomuñwi ni yomuñwi, U yakisa Mubili omutuna wa Mulimu ni ku U tukisa ka malimi a mulilo, mi mwani kona mo ku taha sinulo. . .

⁵⁴ Cwale, litaba ze lu ambola fateni, ye ne ba ni buzize ye, “Kana basali. . . ni zeñwi cwalo?” Ona zeo kona ze ne tiselize keleke kuba mwa butata kwa simuluhu, ne bangile buicemeli bwa butokwa mwahala sicaba ni ku li beya fa katala. Kono Mulimu ki Mulimu wa sicaba. U beleka ku mutu ni mutu, U pila mwa pilu ifi ni ifi Ya kona kukena ku yona. U fumana batu baba na ni limpo bani ni kubeleka ku bona. Cwale, haiba diabulosi hakoni ku ba swala mwa sibaka silisiñwi, mi u taha mwateni ku to eza swalisano yetuna ye si nto isili kwanda kuzwisa sicaba kusili. Sina Paulusi, “Ha mu taha hamoho, haiba kaufela mina mu bulela ka malimi, mi ku taha ya sa zibi zeo, a si ke a bulela kuli, ‘Mwa pulumuka! Mu likuba!’? Yomuñwi a bulela ka malimi, mi ni se ni se sizwa mwa nzila, ni lika kaufela, zeo halina ku beleka. Kono,” u ize, “kona kuli haiba alimuñwi u polofita likunutu zetuna ze zwa kwa pilu, mi ba ka li, ‘Luli Mulimu una ni mina.’” Kono haiba yomuñwi ubulela ka malimi ka sinulo mi ukona kutoloka zeo, ki sika sa kuhulisa keleke, mi keleke kaufela ika huliswa ka sona. Ki sika se si ka bulela mi ni Mulimu uka bulela ka malimi e lu sina ze lu ziba ka zona ni ku a toloka ku mutu ni mutu, ni kubulela nto yeñwi ye ka ezahala ona cwalo fela mo ne ibulelezwi, kona kuli foo muna ni Moya wa Mulena mwahala muna. Mi oh, ha lu ikatazeñi ka zeo, balikani; halu—halu bulukelini mulilo unzo tuka.

⁵⁵ Cwale, lu si ka apula kale. . . Mañolo amatuna ana ni mayemo sakata, Hani zibi haiba ikaba ku mi kataza hahulu

kuli lu yeme ni ku cinca libaka za luna ka mizuzu yelikani fela halunze lu lapela.

⁵⁶ Mulimu Yamtaka kaufela ya na zusize Mulena Jesu kwa bafu mi u Mu tizize ku luna (kasamulaho wa myaha ye mianda ye naintini) ka kuba Mulimu ya sa palelwi wa Mulimu, lwa itumela ka se bakeñisa kubateni kwa Pata ya Hae yeli ni luna zazi ni zazi mwa muzamao wa luna wa ka zazi. Mi lu tabile hahulu ka kuziba kuli mwa hola ya kulyangana ye fo lifasi ha li sa zibi za kueza, ba sweli ku kata misima mwa mubu, mi basweli ku itiisa ka mitomo ye sweli hande, kono, O Mulimu, ha ba koni kuipata kwa buhali bwa Mulimu. Kuna fela nto iliñwi—iliñwi yeli mulyani, Mulena, mi luitumezi hahulu lu U amuhezi: “Ha Ni bona Mali Ni ka mi fitelela.” Oh, mo lubezi b ba tabile ka silelezo yetezi yani ye lu likana busihu bo ya Mali a Ngunyana ya Mulimu, yena Muprisita Yomutuna, lu yemi mwa Kanya busihu bo lu nze lu kupela babañwi ka buipuleli bw aluna. Lu tabile hahulu ka kuba ni Yena mwahala luna busihu boo, yena Mubuleli yomutuna, ili Moya o Kenile, mufani wa mata a moya, ili mufasi yomutuna wa Bupilo.

⁵⁷ Mi cwale, Mulena Mulimu, sina ha Ni bizize sicaba se hamoho mo mwatasi situwa se busihu boo, mi lu kopani mo ka kuba keleke kamba siemba sa yona, ha lu si ka kopanela mwa libizo la tabernakele ye kamba ka libizo la mutu ufi kaufela, kono ki ka Libizo la Jesu Krete. Mi Moya o no yahile mwa mubili wa Hae ni munahano wa Hae cwalo, ni ku Mu zamaisa, utahe li tahe ku luna ni ku to lu tolokela Linzwi ni ku kutaza Linzwi, ni ku Li fa kwa lipilu ze lapile halunze lu libelela ku Yena. Kakuli lwa li kupa ka Libizo la Hae ni kwa kanya ya Hae. Amen. (Ha muine.)

⁵⁸ Cwale ku mina babana ni Libibele, mu apulela mwa kauhanyo ya 1 ya Sinulo kuzwa fa timana ya 9; lipotoloto za mina ni mapampili, mi Ni ka lika ku mifa mazazi ni ni lika zeñwi ze cwalo ha ni nze Ni ya cwalo.

⁵⁹ Cwale, ye luli kaniti. . . Kakusasana cwana ne kuna ni zeñata hahulu mwa mukwa wa kutazo, ka kutoma mutomo fa Bulimu, bwa Sinulo; Mulimu ya patuluzwi ku Krete. Ki ba bakai baba lumela Cwalo? Mulimu na patuluzwi ku Krete, Jehova na patuluzwi ku Krete. Cwale ukai Mulimu ya lukela ku patululwa? Mwa Keleke ya Hae, ni sicaba sa Hae, ku luna. Ki Moya o swana, misebezi yeswana, liponahazo ze swana, lilato le liswana, swalelo ye swana, pilutelele yeswana, musa, tibeledo, kozo, sishemo, kaufela ze ne li ku Krete liteñi mwa Keleke. Muhupule, mubuluke zeo mwa minahano ya mina: kaufela za na li zona Mulimu U li sululezi ku Krete (Na ki yena mutalelela wa Bumulimu ka mubili), mi kaufela za na li zona Krete U li sululezi mwa Keleke. Mulimu fahalimwa luna, Mulimu ni luna, Mulimu ku luna. Bulalu bwa Mulimu, Mulimu na bonahalile ka mikwa yemilalu ye shutana: Ndate, Mwana, Moya o Kenile.

⁶⁰ Sinulo ne ibonisize kuli Ha ki milimu yemilalu, kamba kuli mwendi U pazauhile mwa liemba zetalu. Kono ki Mulimu alimuñwi yana li Mulimu mwa mazazi a bushemi, Nali yena Mulimu mwa mazazi a Bwana, Ki Mulimu mwa mazazi a linako za Moya o Kenile, ki Mulimu ya swana. Ha ki babalalu baba shutana, ha ki batu babalalu, ha ki butu bwa zetalu. Ki Mutu alimuñwi, ki butu bulibuñwi. Haukoni kuba ni butu kusina kuba mutu. Batu babañwi ba li, “Ha ki batu babalalu, kono ki butu bo bulalu.” Hamukoni ku kauhanya zeo; kakuli haiba Una ni butu, Ki mutu kanti; una ni kuba mutu kuli abe ni butu. Kacwalo ki Mutu alimuñwi, butu bulibuñwi; yaswana maabani, kacenu, ni kuyakuile; Alfa, Omega; Yana liteni, ya liteni, ni ya sa taha. Oh, Yena ki lika KAUFELA. Na lata cwalo.

⁶¹ Mutalime sibupeho sa Hae, bupilo bwa Hae, misebezi ya Hae. Bu lukela kubonahala hande mwa tabernakele ye, sina fela mo ne kubezi mwa lizazi la Hae. (Ha ni buleli cwalo ka ketululo mwa kuatula; Mulimu wa ziba cwalo.) Ha ki mo fela, kono ni mwahala lifasi kaufela. Kono Ni tabile kuli ku cwalo. Mi lwa ziba fo lu yemi ka ona Moya o swana wani ku luna, unzo zamaya ni luna ni ku lu bonisa kuli Uteni mwahali mo. Ha ki luna, ki Yena; ha lukoni kueza lika zee, ki Mulimu. Kwanda zeo, mwa lifasi la sayansi, U lumelelize kuli siswaniso sa Hae si swaniswe. Ni luna, ku luna, ni mwahali luna, fahalimwa luna, kufitela ku luna, unza beleka mwahali ni kwande a luna. Oh, ha ki bunde ni boo!

⁶² Ne ba opelanga pina nyana ya kale kuli:

KINA yana bulezi ku Mushe, mwa sicacani se
si tuka mulilo,

KINA Mulimu wa Abrahamama, Naleli yebenya
ya Kakusasana.

KINA palisa ya Sharon; oh, mi bulela kuli Ni
zwile kai?

Kana mwa mu ziba Ndate, kamba mwakona
kubulela Libizo la Hae naa?

Oh, mu bulela kuli Kina mañi, kamba mu
bulela kuli Ni zwile kai?

Kana mwa mu ziba Ndate nji, kamba mane
mwakona kubulela Libizo la Hae naa?

KINA Alfa, Omega, makalelo kuzwa kwa
mafelelezo,

KINA pupo kaufela, mi Jesu kona Libizo.

⁶³ Oh, ha ki bunde ni boo, ki Sinulo! Cwale, muhupule, ha mukoni ku Li utwa ka baituti ba za bulapeli, Ha litahi ka nzila yeo. Li taha fela ka sinulo. Ku kolobeza ka mezi, kuitusisa Libizo la Jesu Krete, likona fela kufiwa ka sinulo. Jesu ni Mulimu habali Mutu yaswana zeo likona fela kutaha ka sinulo. Biblele kaufela iyahilwe fa sinulo. Keleke kamukana yona iyahilwe fa sinulo. Mateu 17 ili, “Kakuli Ni ize, ‘Fahalimwa licwe leo (ki

sinulo ya moya) Ni ka yaha Keleke ya ka, mi minyako ya lihele haina ku I koma.’” Ne lu swabisa mutu kaufela kuli alu bonise, sibaka sifi kaufela, litaba za kale kamba Mañolo, ko ne kuna ni mutu ufi kaufela yakile a kolobezwa ka libizo la “Ndate, Mwana, Moya o Kenile” kwanda keleke ya Katolika kufita ka lizazi la Martin Luther. Mi ni keleke ya Baipanguli, ne li . . .

⁶⁴ Mane ni bumaswe kaufela . . . Amuteeleze, halunze lu kena mwa masika a likeleke. Bumaswe kaufela bo ne buli mwa keleke yapili yani, ne butilo suluhela ni ku lo lutatama. Ne buzwelapili kuya bu tuluka kufitela ha li to felela mwa kukwenulela tumelo ka kutala mwa lizazi la maungulo. Bumaswe kaufela bu zwelapili ku ekezeha mwa keleke ifi ni ifi, swalisano nyana ifi ni ifi kaufela yene kalisize. Sina mwa Genese, ki kota, ya kala kuhula, ne ifumani nzila ya kukena ka yona mwa keleke mane ito tubula lipalisa mwa mazazi a mafelelezo. Ki kabakaleo Bibebe ibulezi kuli, “Ba na ni mbuyoti baba ka baleha ka lizazi leo.” Eeni, sha, baba ka saba lika ze kamukana.

⁶⁵ Cwale mukupe Mulimu kuli . . . hamusweli kubulela ka za Sinulo, mi Mu kupe kuli amife sinulo ya Se. Kakuli Li kona fela kuzibahala ka sinulo, mi mukona fela kupilisiswa ka sinulo. Muna ni zibo ya Sona, ka butali bwa butu fela, kono haukoni ku piliswa konji haiba Wa ku swala. “Hakuna mutu yakona kubiza Jesu kuli ki Krete, konji ka Moya o Kenile.” Seo kona se ibulezi Bibebe. Hakuna mutu yakona kubulela kuli Jesu kuli ki Krete konji haiba u amuhezi Moya o Kenile. Wa kona kubulela kuli, “Ki bo mulisana baba bulezi cwalo, Bibebe ibulezi cwalo.” Yeo ki niti kamukana yona. “Keleke ibulezi cwalo.” Yeo ki niti. Kono wena kasibili ha u zibi kufitela Moya o Kenile u Si patulula ku wena, mi Ha sa bile ku wena. “Hakuna mutu yakona kubiza Jesu kuli ki Krete, konji ka Moya o Kenile.” Ha ki ka zibo, ha ki ka butali bwa ngana.

⁶⁶ Mo ba ka pangela Bibebe yeo . . . Ba lika ku I kumbanisa, kuli I swanele Majuda, Bakatoliak, ni Baipanguli, kanti mane ba shutana sina musihali kwa busihu. Ne ni hupula kuli mwendi Majuda ba lukela kuziba hande kufita cwalo; Ni sepa kuli mwendi seli nako ya kuli zani li tahe, ko lina ni kutaha mwa kukwenuhela tumelo kokutuna kwaa. Kakcwalo, mi lika kaufela muhupule fela, ha lukoni ku li tuhelisa, kono nto inosi fela ye lukona kueza ki kuyumbela Liseli le kwande kwani, mwendi kuipa kuba babulaiwa ni kuikela kusili, kona kuli yeo kona nzila fela inosi fela ye lukona kueza ka yona. Kono ba bañata ba kaba ni kueza cwalo. Mi kacwalo kona mukwa o itomile ka ona Bibebe ona wo ni lika ze lufumana. Haiba Ni sa tokomeli, Ni ka fita ku zona.

⁶⁷ Cwale, nto yapili mwa Buka ya Sinulo, ikalela fa kuli Ki Sinulo ya Jesu Krete, yo Ali yena. Cwale, Jesu Krete ki yena Mulimu Yamata Kaufela. Lwa ziba cwalo. Ki ba bakai baba lumela cwalo? muli “Amen.” [Kopano ili, “Amen!”—Mu.] Ki yena

Mulimu Yamata Kaufela, mi Una ni Libizo li liliñwi. Libizo lani kona Libizo fela linosi le li filwe mwatasi Lihalimu le luka piliswa ka lona, Jesu Kreste. “Kiñi ze ba Li sabelanga kwa lisa?” kona ze Ni palelwa ku utwisisa. Uh-huh. Mwabona? Ki mukwa wa kuli moya wani ukeni mwatani ka kukalela mwa Lusika lwa Smirna; ni ku to fefulelwa mwa lusika lolutuna lwa lififi lwani, mane ni ku ieza kuba tuto, mane ni kutumuka ni yona hape mwa lizazi la mafelelezo. Cwale, mutalime fela litaba za kale ni Bibe le halunze luya mwatani mwa biki yee, mo i—mo i tiseza lika zeo kwande.

⁶⁸ Cwale nto yetatama. Ne I filwe ki Kreste ku Joani, ka lingeloi, kuli ifiwe kwa (sikamañi?) sa Hae likeleke, kuli a I patulule kwa likeleke za Hae. Mi linaleli ze sebene mwa lizoho za Hae neli bulumiwa ba sebene kwa likeleke ze sebene. Mi mutu kaufela yakaba ni Liñusa, ukaba ni lona, ona Liñusa leliswana le ne li kalile kwa makalelo.

⁶⁹ Mi hape, ha lu ka fita mwa libaka ze tibile zani, ka kubona Mulimu mwa na zamaiseza lika ze mwatani, kwa tabisa. Li ka mi tisea fela kuhuwa. Nika, ibala, ni kuzamaya kwa ni kwa inge mu lila, kukuta mwa mulaho ni kuina fafasi hape, mi ni kuzamaya zamaya mwa sibaka. Ki tabo fela ka kuziba cwalo: Kana Mulimu na kaba cwani wa makeke hahulu cwalo ku luna kulu lumeleza kubona lika zeo mwa hola ye lupila ku yona? Kiñi, kuswana sina Jesu mwa na bulelezi, “Mutu na lukisize kaufela za na luwile kuli aleke licwe la butokwa.” Mu lukisize lika kwa lifasi, lika za lifasi, ni lika zeñwi kaufela ze lukela kuba kwa lika sika kaufela, kuli lube ni Se. Yeo ki niti, mubeye mayendameno a mina kaufela ku sona Seo. Ki mayendameno a moyo kuli mubone sinulo ya Hae ya Linzwi la Hae.

⁷⁰ Cwale, ya I bala kaufela u fuyozwi. Kana ku cwalo? Mi lu bulezi kakusasana kuli, haiba haukoni kubala, ya Li utwa kaufela ha li balwa, u fuyozwi. Cwale, I kala ka mbuyoti ku baba ka ina fela ni kuteeleza ha I kala kubalwa, mi ki sikuto ku mutu kaufela yalika kukeza Kwateni sika kamba kuzwisa sika Kwateni. Mi cwale haiba Bibe le patalaza ipatulula kuli Jesu ki yena Mulimu Yamata Kaufela, kona kuli bumai ki bwa hae ya ka zwisa kwateni. Eehe. Ki sinulo. Kaufela ya ka ekeza sika kaufela . . . Ki mayemo atezi hande a—a Sinulo; ki Buka ya Mulimu, Manzwi a Hae a mafelelezo, Mulao wa . . . Mi ni sinulo ifi kaufela ye shutana ku Yani, ki ya bupolofita bwa buhata; ha ki Mulimu, kakuli ye kona Niti.

⁷¹ Mi, muhupule, ye kona buka fela inosi mwa Bibe le ya lumelelize Kreste, Kasibili. Munahano cwalo! Kona buka fela inosi, ki yona sinulo ya Hae kasibili. Buka fela inosi ya Na tomile Yena kasibili zeli za Hae, mi abeya limbuyoti za Hae ni likuto za Hae. Limbuyoti ku bao baba ka I amuhela, likuto ku ba si ke ba I amuhela.

⁷² Cwale—cwale ha lu fiteñi fa sooli sa Patmosi cwale mi lu kale, timana ya 9. Sibaka sapili, lu bata kubulela kuli ki. . . Toho ya taba ya yona ki kuli: *Pono Ya Patmosi*. Ne ibile teñi ka A.D., mwahala A.D. 95 ni 96. Sibaka ne li fa sooli sa Patmosi. Siaka sa teni neli limaili ze mashumi amalalu kuzwa kwa likamba la Asia Minor, wiko, kotalimana ni keleke ya Efese, mwa Liwate la Aegean le li ipumela milulwani ni Mediterranean. Foo kona fa sibaka fo si fumaneha.

⁷³ Munahane! Cwale, neli sooli nyana sene sitomile kwahule nyana ka limaili ze mashumi amalalu kuzwa kwa Asia Minor, mwa Liwate la Aegean. Ka kotalimana fela ni keleke ya Filafel- . . . kamba keleke ya Efese, kone ku filwe Liñusa la pili, koo Joani neli mulisana ka nako yani. Ka manzwi amañwi, ne italimezi kwa upa mi na talimela ona fa keleke ye, kuzwa kwa na inezi kwani. Mi Liñusa la pili neli kwa keleke ya hae, yene yemela lusika lwa keleke. Ku lukile, pono ne ifilwe ku Muhalalehi Joani musinuli, yanali yena mulisana wa keleke kwa Efese ka nako yani.

⁷⁴ Cwale sooli se nesili mwa buino bo bu cwani? Ne sili kai, mi neli buino bo bu cwani? Ku lukile, si zibahala mwahala litaba za kale kuli neli sooli sa macwe sesitezi linoha, tubanze, mikolozwani, ni zeñwi cwalo. Ki limaili ze mashumi amalalu ku si potoloha, mi ne si tezi fela macwe. Ne si itusiswana, mwa mazazi a Joani, kakuba sina Sibulaelo. Sibaka fo ne ba bulaelanga lisinyi za Maroma, lisinyi ze lunya luli, bone ba sa koni kubeya mwa litolongo ni libaka zeñwi cwalo, ne ba ba beya fa sooli fani kuli ba shwele fateni; ne ba tuhelela kuina ona fani kufitea ba shwa.

⁷⁵ Puzo: Ki libaka mañi Joani hanali fani? Muuna ya na saba za bumulimu, muuna ya lukile, muuna wa libubo le linde, wa mukwa omunde, na si mwa butata, muuna yo na beezwi sikamañi? Bibeke ibulezi kuli, “Ka Linzwi la Mulimu ka bupaki bwa Jesu Krete.”

⁷⁶ Cwale luna ni mitomo ya zona. Sooli sa Patmosi, mwa Liwate la Aegean, limaili ze mashumi amalalu kuzwa likamba, ikona kukwana hande limaili ze mashumi amalalu ku ipotoloha, ya macwe fela, fo ne kuttezi mikolozwani ni tubanze ni zeñwi cwalo, mi ne si itusiswa kuba ndu ya tolongo (inge Sibulaelo cwalo). Ba nga mutamiwa ye ba sa koni kubeya mwa tolongo moo, neba . . . sibulayi sisinyi ya katalize maswe sikebenga sa mafelelezo, ne ba si beyanga fa Libulaelo.

⁷⁷ Mi cwale bainga ni yena Joani ya tozizwe ye musinuli . . . wa mafelelezo mwa balutiwa, mi ki yena fela anosi ya na shwile lifu la kuishwela feela. Joani, asika ya kale kwa sooli, na tamelezwa kuba “muloi,” mi a bilisiwa mwa mungomo wa mafula ka liholo ze twenti-foo, kusina ku mu cisa. Hamukoni kubilisa Moya o Kenile kuzwa ku mutu . . . ? . . . Ba mu bilisa ka liholo ze twenti-

foo mwa mungomo wa mafula, kusina ku holofala ni hanyinyani. Mi ali, libaka lene—lene bfile Maroma, neli kuli, “Na li muloi, mi kuti na loile mafula.” Ze ikona kunahana ngana ya butu! Cwale, mwa bona, ha ba lu biza kuli “banuhi ba minahano, ni balauli ba litaba, ni bo Baalezebubi,” kana mwa bona moya wa kale wo ko u zwelezi? Kono mwa bona nji ko ku zwelela Moya wa niti? Ki masika a likeleke. Mwabona? Lihola ze twenti-foo, a bila mo ku cisa, mwa mafula a bila, kono mane ne li si ka mu swala. Oh, Mulimu mwa na mu tiiselize ka Moya o Kenile. Musebezi wa hae no si ka fela kale.

⁷⁸ Ba mu beya fa sooli lilimo zepeli. Mi Mulimu hanali ni yena fani alinosi, añola Buka ya Sinulo sina Lingeloi la Mulena mo ne li patululela ku yena. Mi zani li sa fela feela, ataha mwa aha ya habo ku to zamaisa keleke mwa Efese. Mi a shwa ni ku pumbekwa mwa Efese, ki Joani musinuli yoo.

⁷⁹ Oh, ha ki buino ni boo cwale! Ku lukile, keleke yani mwatasa Jaoni, kamba mwatasa nyandiso, Joani uñola mwa timana ya 9 kuli:

Na Joani, na nili muzwale wa mina...mwa manyand-...ni mulikani mwa manyando, mi ni mwa mubuso mwa tobelelo ya Jesu Kreste, nenili fa sooli se si bizwa Patmosi, ka linzwi la Mulimu, ni ka bupaki bwa Jesu Kreste.

⁸⁰ Ka manzwi asili, na lwezi Linzwi la Mulimu mi na sweli ku Li bonahalisa, kuli Ne li Linzwi la Mulimu, mi Kreste ataha mi Kreste ataha ka yena mi apaka kuli na li ya lukile. Ki fo he cwale. Linzwi la Mulimu linze li iponahaza ku yena, kupaka kuli neli mutanga a Mulimu. Mi ne ba sa koni kulatula Zeo, kona kuli neba na ni kubulela kuli neli “muloi.” “Na loile mafula mi apalelwa ku mu cisa, mi kuti na loile batu mi ne ba sa foli, mane hape kuti nali mulauli yana sa koni ku... Mufuta omuñwi wa mutu ya maswe, moya o ma-...moya o lunya.” Mi leo kona libaka lene ba mu nepezi fateni, ne ba hupula kuli neli ya sabisa kwa silalanda. Kono nasweli fela kulwala tato ya Mulimu, mi Mulimu nana ni muelo mwahala buino bwani kaufela.

⁸¹ Na si ke aitusisa yena, ni manyando kaufela ni lika zeñwi, kakuli ba bakenile ne ba sa taha, “Oh, Muzwale Joani, ki sikamañi se lu ka eza ka se? Mi ki sikamañi se lu ka eza?”

⁸² Joani neli mupolofita, lwa ziba cwalo. Mi kacwalo ne ba buzaka lipuzo zee, kona kuli Mulimu nana ni Mpi ya Maroma yene mu nanuzi ni ku yo mu latela fa sooli fani. Mi ali, “Cwale, taha ki foo, Joani, Ni bata ku ku bonisa nto ye ka ezahala.” Wa mafelelezo kwa baapositola, nekusina yana lukela ku Liñola kwanda Joani. Kacwalo ba muisa fande fa sooli sa Patmosi kuzwa ka A.D.95 kuisa A.D.96. Mi a Li ñola, mi ali:

Na...ni muzwale muhaenu, ni mulikani mwa manyando,...

⁸³ Cwale, na sa buleli ka za Nyandiso Yetuna. Yani ne si Nyandiso Yetuna, mi ha italimani Keleke. Nyandiso Yetuna itaha ku Mujuda, isiñi kwa Keleke. Kona kuli ne si Nyandiso, kuli mwendi ki Nyandiso Yetuna.

⁸⁴ Cwale timana ya 10:

*Ne nili mwa Moya ka lizazi la Mulena, mi na utwa
mwa mulaho waka . . . linzwi, . . . la tolombita,*

Ne nili mwa Moya ka lizazi la Mulena, . . .

⁸⁵ Cwale, haukoni kueza zende konji pili ube mwa Moya; Mulimu hakoni ku itusisa wena. Una—una—una—una . . . Kuikataza kwa hao kaufela—ki za mbango konji pili uli eza ka kuba mwa Moya. “Haiba Ni opela, Ni ka opela mwa Moya. Haiba Ni lapela,” kubulela Paulusi, “Ni ka lapela mwa Moya.” Mi haiba kuna ni sika kaufela se si taha kuna sesinde, sina ni ku patululwa kuna ka Moya ni kupakiwa ka Linzwi (si bonahale ka linepo ze si zwala).

⁸⁶ Cwale sina, ka manzwi amañwi, haiba Ni bulela kuli, Jesu Kreste u sepisize mwa Linzwi la Hae kuli haiba Ni kona kubaka, ni ka kolobezwa ka Libizo la Jesu Kreste, Ni ka amuhela Moya o Kenile. Kona kuli nto yapili ye ni lukela kueza ki kubaka. I patuluzwi ku na kuli ki niti. Mi kipeto ni kolobezwa ka Libizo la Jesu Kreste, kipeto linepo ki kuli: Ni ka amuhela Moya o Kenile.

⁸⁷ Haiba Na kula, mi U ni sepisize kuli haiba Ni kona kulumela ni kuba ni bahulu ba keleke ku ni toza oli, ku ni lapelela, tapelo ya tumelo ika pilisa ya kula. “Mulena, Na lumela. Ni latelela litaelo za Hao, kipeto yomuhulu a ni lapelele, ani toze ka oli.” Ao kona mafelelezo, ki kuzwelapili fela, kaufela zona li—li felile.

⁸⁸ “Oh,” mu li, wena “ha ni utwi shutano ni yekana, niteñi.” Jesu na si ka pepwa, mi kanti Mulimu na Mu bulaile ku si kaba kale mutomo wa lifasi, ha Na li—Ha nali yena Ngunyana ya Mulimu, ye tabilwe haisamba lifasi li tomwa. Kono mwa munahano wa Mulimu Sakata, Na bulailwe kale. Ne ni si yo kwani, ni mina ne mu si yo; kono mwa buka ya Mulimu, haiba mabizo a luna na ñozwi mwateni, na beilwe mwateni lifasi li si ka tomwa kale.

⁸⁹ Mi Mulimu ha bulela sika kaufela, Sina ni kuezahala. Kona kuli ha u fita fa sikala sa tomile Mulimu, hupula fela, Mulimu uka iponahaza ili Yena ni ku to beleka ze siyezi kaufela zateni, uzwelepili fela, ki musebezi o felile. Oh, ha ki nto yende yeo nji? Oh, mawi, munahane! Mubulelele fela Mulimu . . . Mi Mulimu ali, “Eza sa *kuli*, mi Na ni ka eza sa *kuli*.” Kihande, haiba Ni eza se, Una ni kueza *sani*.

⁹⁰ Cwale, diabulosi uli, “Bona, Wa liyeha.”

Zeo halina shutano ni yekana. Daniele na lapezi nako yeñwi mi neli mazazi a mashumi amabeli ka li liliñwi foo Lingeloi li si ka mu tahela kale, kono na si ka zwafa, na ziba kuli Uka

taha ni hakuli cwalo, kona kuli na libelezi fela mane afita teñi. Kona mo kuinezi cwalo. Oh, foo kona fo mu belanga ni tumelo ya mina. Cwale luna ni kuzwa ku zeo, ne lukaba ni sebelezo ya foliso kapili, nji cwani? Yeo ki niti. Eehe, ya tumelo. Kono lubata sebelezo ya foliso ya moyo, kuli kufoliswe wa mwahali, kakuli yani ki yena ya ka ina kamita, mu amuhela Bupilo Bobusafeli. Bupilo Bobusafeli ha bu yongi kamba ku supula, bwa inelela, buina ka kuswana.

⁹¹ Cwale, akena mwa Moya sesiñwi si si ka ezahala kale. Nto yapili ya na ezize, na li mwa sooli sa Patmosi (lika ze kaufela za na ezize), mi ki hali, “Na utwa linzwi,” ni lika zeñwi ze kaufela. Kono sika kaufela si si ka ezahala kale, na li mwa Moya. Mi haiba mulemuha cwalo mwa Bibeles ya mina, ki taku yetuna ya Moya, Moya o Kenile. Amen! A kena mwa Moya. Oh, Ni sepa fela kuli seo ki sesinde:

Ne nili mwa Moya ka lizazi la Mulena, . . .

⁹² Ka lizazi mañi? Ka lizazi la Mulena. Cwale, ki yeo ngambolo yetuna. Ha lu kutumaneñi fateni, fa muzuzu fela.

⁹³ Cwale, sina ha lu bulezi kakusasana cwana, babañwi ba bulezi kuli sinulo, ya Muhalalehi Mateu 17, neli “Pitrosi.” Keleke ya Katolika ibulela kuli, “Na yahile Keleke ya Hae ku Pitrosoi; nali yena pope wa makalelo.” Na kaba cwani pope kono inge a nyezi? Mwabona? Mi bali, “Pitrosi naile kwa Rome, a yo pumbekwa kwani.” Kona kuli mu ni bulelela sibaka si lisiñwi, mwa litaba za kale kai kaufela, kuli Pitrosi naile kwa Rome. Mwabona? Paulusi ki yena yana ile kwateni, kono isiñi Pitrosi. Ku lukile.

⁹⁴ Kwalo lu fumana kuli milao yenyinyani ye kaufela ni lika zeñwi, likeni fela mwateni. Mwabona? Kono, mi sicaba kacenu sina . . . kai ni kai ko muya, bana . . . Keleke yeñwi yetuna ina ni mapo yetuna yene ba ba kokotezi mwa lizoho la Hae. Mwa ziba kuli ki limapo zekai be banani, limapo zaniti, kacenu sani neli mwa . . . ? Naintini. Bana ni masapo, bana ni—bana ni liembaemba za masila, ni zekona kuswaliwa. Mi haluna—haluna lika zani, ha lu tokwi zeo. Krete wa pila! U mwahala luna, isiñi mapo yeñwi, kamba siemba sa sifapahano, kamba siemba sa lisapo, kamba nto yeñwi. Ki yena Mulimu ya pila, yapila mwahala luna cwale, inza iponahaza ili Yena. Luna ni fela sibyana silisiñwi sa kupuzo, sani ki Mulalelo wa Mulena, kuhula kwa lifu la Hae. Kono kuya ka Krete yena Kasibili, Uina ni luna mi u mwahala luna. Mi yeo kona nto yelubata ku zibahalisa (ili kanya ya Moya o Kenile) kwa lifasi. Ku li zibahalisa kufitela Liseli litima. Ku lukile.

⁹⁵ Cwale, ba . . . Kacwalo, mwa bona, lu ngile neku leliñwi la nzila leo. Mu ziba kuli Ni likile kuba cwalo ka nako kaufela, mi Mulena luna ubile ali patululelanga ku na; kuna ni kufiteleza kulikuñwi, ni kufiteleza kokuñwi, kono ki mwahala nzila mo

kuna ni Niti. Kana mu lemuhile Isaya, fa Na bulezi kuli ku kaba nzila? Isaya 35. Mi kana mwa hupula mizwale ba luna babande ba Nazarene mo ne ba opelelanga pina yani, mwa ziba, “*Nzila ya Likululu ye Kenile. Nzila ya Likululu ye Kenile.*” Cwale, haiba mu ka bala Bibebe za mina hande, ha i buleli kuli “ki nzila ya likululu ye kenile.” I bulela kuli, “Ku kaba nzila ya likululu in *nzila*, mi ika bizwa,” isiñi nzila ya likululu ye kenile, kono “*nzila ye kenile.*” Ni ki ku kopanya seo si feza hande mubamba wa mina. Mwabona? “Ku kaba nzila ye ya likululu *ni nzila*, mi ika bizwa *nzila ye kenile,*” isiñi nzila ye ya likululu ye kenile.

⁹⁶ Mwabona, *nzila* i ezizwe, kwa matuko...Nzila yendeiezizwe, sibaka se si lumbile si inzi fahali, kakuli si kasheza masila kaufela kwa maneku amabeli. Kona cwalo. Mi mutu ha taha hande ku Kreste, una ni kutalima meto a hae ku Kreste. Haiba una ni maikuto nyana cwalo, ukaba ya fitelezi tumelo. Haiba ki ya batile hanyinyani, uka sikuluhela kwa neku leliñwi le inge liwakaka mo li batela, kwa neku leliñwi lani; mwabona, za butu bwa hae. Kono nto ya luli ifumaneha fahali a mukwakwa luli, ka Moya o muñata ku mina, u mi buluka munze mu futumala ni kuzwelapili kuzamaya. Amen! Ni kuziba hande mwa kuipeela ili wena mwatasi a kuutwa Moya, ku zamaya fela sina Moya mo u zamaela; isiñi konji nako yakuli kamba isiñi kasumulaho wa kuli, ki kuya fela ka Moya mo u zamaela.

⁹⁷ Keleke ya Katolika ibulezi kuli, “Ki sinulo ya Pitrosi.”

Ba keleke ya Baipanguli bali, “Ne li Kreste.”

Kono Bibebe iluta kuli, “Ne li Sinulo ya Na file (Mulimu na mu file yona) ya Kreste.”

“Ki wena Kreste, Mwana Mulimu ya pila.”

“U fuyozwi wena Simoni, mwana Jonasi, nama ni mali ha li si ka ku patululela seo, hakuna mutu, sikolo sa za bulapeli, kamba sikolo sa baika ba tumelo ya bukutazi, sika kaufela, baba I lutile ku wena. Kono ki Ndate ya mwa lihalimu ki yena ya ku patululezi seo. Ki wena Pitrosi, fahalimwa licwe leo Ni ka yaha keleke yaka, mi munyako ya sibaka sa baba shwile haiba ku I koma.”

⁹⁸ Cwale lutaha fa sibaka sesiñwi fa fo bana ni maikuto amabeli a shutana. Cwale, Na kona ku fosa; haiba Ni fosa, Mulimu ani swalele. Kono Ni ka palelwa ku lumelelana ni ba Seventh-day Adventist baba bulela kuli, “Ne li lizazi la bu sebene lanali ku lona, fo ili lizazi la Mulena.” Mizwale ba Seventh-day Advent, mane ni babañata ba bona, ba bulela kuli neli lizazi la sabata la na biza kuli lizazi la Mulena. Ba Christian church ba li biza kuli, ki lizazi la Mulena, “La—la Sunda, lizazi lapili.” Mi lu lemaha linako zeñata kuli—kuli ba Christian church ni bona, kacenu, ki sicaba sa Baipanguli, baba bulela kuli “Lizazi la Mulena ki, la Sunda.” Ao ha ki mañolo. La Sunda neli lizazi la pili la biki mwa Bibebe, isiñi lizazi la Mulena. Mi mane ne si lizazi la bu sebene

hape, la sabata. Ha ku konahali kuli ibe leliñwi la ona mazazi ao kakuli ne ku tandile Joani lilimo zepeli fa kuñola Sinulo yee. Neli lizazi lifi? Kwa kona kuba mazazi a busebene ao amañata ni mazazi apili ana fitile inza tatamana cwalo.

⁹⁹ Bibebe, Sinulo ne i ñozwi kuzwa ka A.D. 95 kuisa 96, lilimo zepeli. Ne li lizazi la Mulena. Lizazi la Mulena kona ona cwalo luli ze ibulela, mi kona mone kuinezi. Joani na ngilwe mwa Moya kukena mwa lizazi la Mulena. Le ki lizazi la mutu, kono lizazi la Mulena li ka taha. Ku shetumuka cwalo mwa Mañolo lu ka fumana kuli nali mwa lizazi la Mulena, inza ngilwe mwa Moya ni kuisiwa mwa lizazi la Mulena. Amen! Yeo ki niti. Mwabona, nali mwa lizazi la Mulena. Bibebe Bibebe ibulela ka lizazi la Mulena. Lu ka lena ku zona fanako nyana, ki Mañolo amañata.

¹⁰⁰ Nto ya pili, lizazi la sabata, halunze lu ambola ka zona, lizazi la sabata ha ki kubuluka lizazi leliñwi. Haluna taelo ya kubuluka la Pelekelo kuba sabata. Haluna mulao wa kuli lubuluke lizazi la pili kuba sabata, mwa Testamente ye Nca. Bibebe ibulezi cwana, mwa Maheberu kauhanyo ya 4, “Haiba Jesu na ka bafa pumulo, hanili Na si ke a bulela hape za lizazi lisili.” Yeo ki niti. Kono ku sa siyezi pumulo, kamba kubuluka sabata, kwa sicaba sa Mulimu. Kakuli luna baba lumela, ni luna, lu keni mwa pumulo ya Hae; lu pumuzi kwa misebezi ya luna sina Mulimu ha pumuzi ku ya Hae.

¹⁰¹ Mutalimele! Oh! Kulumbwe Mulena. Ni ikutwa fela hande hahulu, Ni ba ya lyangani.

¹⁰² Mulemuhe, mwa lizazi la sabata. Mulimu na bupile lifasi mwa mazazi a silezi, mi ka lizazi la bu sebene A kena mwa pumulo mi ha si ka kutela hape kwa kubupa mafasi asili. Mi A ifa kwa sicaba kuba kupuzo. Kakuli mu palezwi ku li buluka cwale, kakuli ha mu buluka sabata cwalo, neku leliñwi la lifasi li ka Sunda hape. Mwabona? Kona kuli za bonisa kuli ne li za sicaba, neli sibaka ni nako ya ma Isilaele. Kono he ku sa siyezi kubuluka kwa sabata kwa sicaba sa Mulimu.

Kakuli luna ba . . . ba lumela lukena mwa pumulo ya Hae, . . . misebezi niha ne ifelile . . . (Ni bulela zeli mwa Maherebu, kauhanyo ya 4) . . . misebezi niha neifelile kuzwa kwa mutomo wa lifasi.

Kakuli u bulezi mwa sibaka sesiñwi . . . ka mukwa wo, . . . ka lizazi la bu sebene . . .

Mi hape, u tomile lizazi leliñwi, la bulela ku Davida kuli, . . . (mina ba bañola, Maheberu 4)

Hape, u tomile lizazi leliñwi, ubulela ku Davida kuli, Ka cenu, kasamulaho wa nako yetelele hahulu; ku utwahalile, Ha mu utwa . . . kamba ili, Ha mu utwa linzwi la hae, musike mwa itatafaza lipilu.

Kakuli haiba Jesu na ba file pumulo, ya (lizazi)... kana asike a bulela hape ka lizazi lelinwi.

Kono ku sa siyezi...sepiso ya pumulo (kamba kubuluka kwa sabata)...

103 Linzwi la kuli “pumulo.” *Sabata* ki linzwi le linca ku luna, le litalusa “pumulo.” Ki linzwi la Siheberu le li talusa kuli lizazi la “pumulo,” liza la sabata; musike mwa sebeza sika, mupumule.

Kakuli haiba Jesu na ba file pumulo, ... kana asike... a bulela hape ka lizazi lisili.

Kono ku sa siyezi...ili pumulo (kamba kubuluka sabata) kwa sicaba sa Mulimu.

Kakuli luna ba ba keni mwa pumulo, ...lu pumula kwa misebezi ya...luna, sina Mulimu mwa pumulezi ku ya hae.

104 Ha lu lukeli kukutela ku lona ka zazi lelitatama mwa biki ni kukalisa hape, lu keni mwa Pumulo. Jesu ubulela ka za limbuyoti, Na ize kuli, “Mu ba utwile ba kale ha bali, ‘U si ke wa bulaya.’ Na nili ku mina, yoo kaufela, ya nyemela muhabo kusina mulatu, u sa bulaile kale. Mu ba utwile ba kale habali, mwa linako za kale kuli, ‘U si ke wa eza boozwa.’ Yeo kona taelo. Kono Ni li ku mina, yoo kaufela ya talima musali ka ku mu lakaza u sa mu bukile kale mwa pilu ya hae.” Kana ku cwalo?

105 Kona kuli ona lika zee kaufela neli likupuzo, lisupo feela, ze komokisa, ze ne li belezi nako ya niti kuli itahe. Cwale, Jesu ha na felize zeo, Mateu 11, (kaza limbuyoti), Na ize:

Mutahe ku Na, mina kaufela baba beleka, baba katezi, ni mitoyo ye bukiti, mi Ni ka mifa pumulo kwa mioyo ya mina.

Mu lwale koko yaka, mi munitute ku na; kakuli Ni na ni musa mi ni ishuwile... (kana ku cwalo?)

Mutahe ku na, kaufela mina baba katezi ni...baba imezwi ki mitiyo yebukiti, mi Ni ka mifa pumulo kwa mioyo ya mina. (“Haiba u sebelize zazi li liliñwi, mazazi a lishumi, myaha ye lishumi, myaha ye mashumi amalalu ka yeketalizoho, myaha ye mashumi a ketalizoho, myaha ye nanite, mi u katezi u botehile, taha ku Na, Ni ka kufa Pumulo. Ni ka zwisa mutiyo wa sibi wo kaufela ku wena, mi ni kenye ku wena, ni kufe pumulo ye petehile ni ku likana ko ku swanela.”)

106 Cwale, ki pumulo mañi yeo? Halu—halu fezeñi hande taba ye fa nako nyana, kuli lubone kuli ki nto mañi. Babñwi ba bona bali, “Kiñi, yo ikopanya kwa keleke.” Batili! “Ki kuñolisa libizo la hap mwa buka.” Batili! “Kihande, ki mufuta omuñwi wa kolobezo ya mezi.” Batili! Ha lu ifezeni mi lubone kuli ki sikamañi. Kana mu tabela kueza cwalo ona fa halunze lu libelezi

cwana? Lu ka bona kwa na ile Joani. Kuli neli mwa lizazi la mufuta mañi kanti la na keni ku lona?

107 Mi Jesu ha na shwile mwa lifasi, musebezi wa Hae wa fela, A yo kena mwa sibaka sesiñwi.

108 Cwale ha lu kuteleni kwa mulaho ku Isaya kauhanyi ya 28, mi ni timana ya 8. Na sepa ki yona, cwale, Isaya 28:8. Mi ha lu baleñi, Isaya 28, mupolofita wa bulela myaha ye mianda ye sebene ni ye lishumi ka ye mibeli li si ka ezahala kale. Cwale, ki ba bakai baba tabela ku ziba *sabata* ya niti, yona pumulo ya niti? Ki ye fa. Cwale, ki fa fana bulezi za yona mupolofita, mi Ni ka mi bonisa ko ito ezahalela. Mutalime, Isaya 28:8:

Kakuli kaufela . . .(mupolofita u polofita ka mazazi aa)

Kakuli litafule kaufela litezi fela mataza ni busafa, (bao ki batu ba baca mulalelo, baba zuba ni kunwa ni kubulela buhata) . . .*kuli mane hakuna sibaka se si kenile.*

Kimañi yo aka luta butali? . . .

Ki mañi yo mukona ku luta butali kacenu?

109 Ki ba bakai baba utwile Billy Graham kacenu? Ne li kutazo yende ya katalize ka yona, kuli mane batu bakona ku lumela kono ba zwelapili kubulela buhata ni—ni ku ikankabeka ili bona ka kunahana kuli basweli ku eza ze lukile. Sicaba sa ma American mwahala nyangela, mi ali, mi ali, “Sefa ya mutu ya nahana, ni kuzuba kwai ya mutu,” ya amuhela buhata bwa diabulosi, mi mwa sibaka sa ku mubona bukuba, kaufela sa li sona, kuli a zube lika ze cwalo ni kulika ku mueza kuikutwa kuli ki mutu butali. Ki sikuba mane nihaiba a ka zuba fela, haiba kuba . . .kanti itezi fela lifu ni kansa ni lika zeñwi kaufela, kono ni cwalo u ka kenya musu wa yona mwa maswafu a hae. Ki sikuba ya cwalo. Ha ki—ha ki ha—ha ki sefa ya mutu ya talifile, mi mane hakuna nto ye cwalo. Mutu ya butali ha itusisi lika zeo.

110 “Hakuna bupilo konji haiba ki mwa Oertel’s 92,” kamba nto yeñwi ye cwalo. Hakuna Bupilo kwanda Krete, bwani kona Bupilo bwa niti. Ki likamañi ze ezisa baana ni basali kunwanga lika ze cwalo? Kakuli balika ku kufeza linyolwa lani lana beile mwateni Mulimu la ku Mu nyolelwanga, mi ba lika ku li kulisa ka lika za lifasi. Mi kona ha luna ni lika zeo. Kona batu se ba ezeza cwalo, kakuli ba lika kufeza linyolwa le li inzi ku bona la Mulimu lani, mi leo diabulosi a kenyeze ku bona mwa sibaka sa lika za Bupilo.

. . . litafule kaufela litezi fela mataza . . .

111 Baana baba itutile za bulapeli, lika zeñwi kaufela, ba bulezi ka zona kuli, “Ku lukile kuba ni kuitabisa nyana kwa masila.” Hakuna nto ye cwalo!

Kimañi ya ka lutiwa butali? mi ki ku mañi ko aka eza . . .yaka utwisisa butali? mu bulelele baba kwa kwa mabisi, mi ba zwile kwa mazwele. (Cwale luna ha lu sa li limbututu hape.)

Kakuli mulao ulukela kuba fahalimwa mulao, mulao fahalimwa mulao; mubamba fahalimwa mubamba, mubamba fahalimwa mubamba; fani hanyinyani, ni fani hanyinyani:

Kakuli ka milomo ya sikukuma ni ka malimi asili uka bulelele kwa sicaba se.

Ku ba bulelezi kuli, Ye ki yona . . .(sikamañi? puluko ya sabata!) . . .ki pumulo mo ba ba katezi ba lukela . . . (“Mutahe ku Na mina baba katezi kaufela ni mitiyo ye bukiti.”) . . .baba katezi ba lukela ku pumula; mi ye kona katuluho: kono ni cwalo ha ba utwi.

¹¹² Zeo ne li ezahalile lili? Myaha ye mianda ye sebene ni mashumi amabeli kasumulaho wa Lizazi la Pentekota malimi asili a tahela sicaba mi kaufela bona ba tala Moya o Kenile mi ba kala kubulelela ka malimi asili mane, Moya o Kenile wa nga bupilo bwa bona, mi ba tuhela lika za lifasi. Mi ba kena mwa Pumulo ni Krete. Paulusi naize, mwa Maheberu kauhanyo ya 4, “Luna baba keni mwa pumulo ya Hae lu pumuzi kwa likezo za lifasi kaufela sina Mulimu mwa pumulezi ka lizazi la pupo ya Hae, A kena mwa pumulo ya Hae, mi lu kena ku Yena misebezi ya luna ya lifasi ha se ifelile.” Ki yeo foo ya mina ya niti, Sabata ya niti.

¹¹³ Kona kuli Paulusi na nalezwi mwa halimu kukena mwa Moya wa Sabata wani, mi a ngiwa ka Moya o Kenile musipili kaufela ku kena mwa lizazi la Mulena.

¹¹⁴ Kiñi haluna ni lindwa? Kiñi haluna ni matata? Kiñi naha ha ilwanisana ni naha? Jesu a taha, yena Mulena wa Bupilo, mi ba Mu bulaya.

¹¹⁵ Mwa lisunda ze likani, kamba nihaiba ona fa cwana, kuna ni likwalata ni bo Santa Clause ni—ni milangu yelila lila ni lika za mifuta kaufela ze pahekilwe, ili mukiti wa buhedeni. Ki kezo ya keleke ya Katolika. Batu ba lifa mali amañata ni kufafana limpo ni lika zeñwi ze cwalo, buhedeni! Kirisimasi ki lizazi la milapelo.

¹¹⁶ Mi ni bulele kuli, Krete na si ka pepwa ka lizazi la twenti-faifi Ñulule mane. Na si ka pepwa ka lona. Haiba mukile mwa ba mwa Judea, malundu atalanga fela mbundu, kufita mo kuinezi kwanu. Na pepilwe ka Lungu limela kaufela ha li tubulanga.

¹¹⁷ Cwale, kono ki sizo sa bona. Mi kiñi—kiñi ha lu ezanga lika zeo? Kakuli lu latelele lizo za batu kufita ku latelele litaelo za Mulimu. Zani . . .Lika ze cwalo halina hahulu butokwa, kono ba ipangelanga fela lizazi la mileko ka lona. Ki maswabisa, ki maswabi kuli baeze ze cwalo. Ki mukiti wa sihedeni! Ki lili

Santa Claus ha na bile ni sa kueza ni Jesu? Ki lili foo shakame ya Zuho kamba kuhu kamba. . . haipentilwe ka enge yeñwi kamba nto yeñwi, kamba mufuta wa shakame yeñwi ye sweu fo ikile yaba ni sa kueza kwa zuho ya Jesu Kreste? Kikuli ha muboni kuli ki muinelo wa lifasi la litekisano. . . ?

118 Kona ze ba lekisezanga libuka za rock-ni-roll za kale, ni maswaniso a masila, ni busafa, ni lika ze cwalo, kakuli sibupeho sa batu si tabela lika ze cwalo za bukuba bwani. Kikuli hakuna ze maswe mwa pilu, ha ba si ka kena kale mwa Pumulo ni Mulimu mi nikuli ba tuhele lika zeo. Ha ba kena mwateni ni ku amuhela Moya o Kenile, kipeto ba feza za lifasi ni lika za lifasi.

119 Mulimu na mu nanuzi. Oh, Ha ni lumeli kuli na ngilwe sina Paulusi, cwale, ku yo punya mwa lihalimu la bulalu teñi abona lika. Ku lukile, Moya o Kenile omunde no ezize cwalo lisunda nyana za kwa mulaho, kwanu, a ni lumeleza kubona. . . Mwa manzwi amañwi, Ne ni saba lifu, mi Moya o Kenile wa ni inga ni ku ni bonisa sene sili sona. Mu utwile bupaki. Mi ha Ni yo kuta, “Kasamulaho, lifu, bukai buhazo bwa hao?” Na isiwa fela ku yo bona zeli kwabuse bwa lisila. A ni lumeleza kukuta kuli ni to mi bulelela kuli kwabuse kwani ha lu lipuku ni lilumba batili, lu baana ni basali, banana, hakuna kushwa, hakuna kukula, ki kwabuse fela bwa lisila. Lifu hakuna ze likona kueza ku mina kwanda ku mi hohela fela kwa Sibaka sani.

120 Cwale, Joani na nanuzwi kuzwa fa sooli sa Patmosi, mwa Moya, ku yo punya mwa lizazi la Mulena. Le ki lizazi la batu, batu ba lwana, kono lizazi la Mulena li ka taha foo mibuso ye haikaba mibuso ya Mulena luna mi ya Kreste wa Hae, mi kona ku kaba Mileniamu yomutuna. Lizazi la Mulena, ki lizazi la kutaha kwa Hae, katulo ya Hae, lani ikaba lizazi la Mulena.

121 Le ki lizazi la batu, kona ze ba mi natakelanga kwa ni kwa ni kueza ze ba bata kueza ka mina, kono ku kaba nako. . . Ba ka mi biza. . . ba mi biza cwale kuli, “mupikuluhi ya kenile ni mufitelezi wa tumelo,” kono kuna ni nako ye taha, mwabona, ye ba si ke baeza cwalo. Ba ka huwa ni kulila ni kuwela kwa mahutu a mina. Bibeke ibulezi cwalo, mwa Malaki 4, mu ka zamaya kuhatikela fa mufuse ha se ba cisizwe; usike wa siya nihaiba mubisi kamba mutai. Ona cwalo kona mo ibulelezi Bibeke, “Baba lukile ba ka hatikela fa mufuse wa ba ba maswe.” Yeo luli ki niti. Habana ku siyala mubisi kamba mutai, hakuna sa ku kuta ku sona. Mi ba ka yunda. Mi le ki lizazi la mutu (likezo za mutu, misebezi ya mutu, keleke ya mutu, milelo ya mutu), kono lizazi la Mulena la taha.

122 Cwale, nali mwa Moya ka lizazi la Mulena. Ku lukile, mi nto yapili yana utwile ha nali mwa Moya ka lizazi la Muelna. . . Cwale luna ni timana yabu 10:

. . . mwa Moya ka lizazi la Mulena, mi a utwa. . . li. . .
linzwi, sina. . . tolombita,

¹²³ Lusike lwa mifa nguli yeñwi hape, cwale. Haiba luna ni ku iinga kamuso, lwakona ku inga, mwabona. Yomuñwi atalimange fa waci, kuli isike ya ni felela.

¹²⁴ Ku lukile, cwale, “. . . neli mwa Moya ka lizazi la Mulena.” Cwale muhupule, nto yapili yemuna ni kueza ki sikamañi? Mukena mwa Moya. Sinulo ye ika taha cwani ku wena? Kena mwa Moya. Uka amuhela cwani Moya o Kenile? Kena mwa Moya. Kena mwa Moya!

¹²⁵ Ha no sa li muezalibi mi no yanga kwa kubina, wa kena *mwa moya*. Oh, mawi, wa kala kukambea ni kumbambala mahutu, ni ku kwashela, ni yumbakela kuwani ya hao fafasi, ni kuya u potoloha potoloha, ni kueza ka bukuba. No li mwa moya wa zeo. Mwakona kunahana mutu, yana lata hahulu za kubina inge sibatana, yaya kwa kubina, inza li, “Kihande, mi kaufela mina nemuna ni nako yende, Na sepa.”

“Oh!” na ka bulela kuli. “Wena palisa ya fa limota, zwa fa!” Mwabona?

¹²⁶ Muya kwa papali ya mbola, yomuñwi u mata mwa lapa, kamba nto yeñwi, aina ni kutalima, mi muli, “Kihande, ni sepa kuli yeo ki nto yende.” Awa, haukoni kuba sibatana sa papali ya baseball, haukoni ku ba wa niti. . . no si ke waba mwa moya wa papali ya baseball. Mi haiba mutu u mata mwa lapa, u ka yema ni kuhuwa kuli, “Whew! Mawi! Inwile!” Ku nata fa kuwani ya mutu fa toho *cwalo*, hakuna mutu ya bulela sika fateni.

¹²⁷ Mi mwa keleke ha ukena mwa Moya, wa yema ni kuhuwa kuli, “Kanya! Haleluya! Kulumbwe Mulena!”

Mutu yomuñwi wa sikuluha ni kubulela, kuli, “Mupikuluhi ya kenile.” (Oh, Muzwale Wood. . .)

¹²⁸ Ni ka mi buza puzo. Haiba lu bapikuluhi ba bakenile kakuli lueza cwalo, kona kuli kanti bona ki bapikuluhi ba *bamasila* kwande kwani. Ni ka tabela kuba mupikuluhi ya kenile (Mina boo?) kufita ya si ka kena. Mawi! Kaniti! Baikuluhi ba ba si kakena.

¹²⁹ Cwale, nali mwa Moya. Akena mwa Moya, mi lika za kala kunga sibaka. Mi cwale ha yo kena mwani, autwa tolombita. Cwale, tolombita kamita i zibahalisinga kutaha kwa sika. Kuswana sina ha mu taha. . . Ki—ki mulena ya taha, ba ka liza tolombita. Mi Jesu a sutelela, U ka liza tolombita. Ki niti yeo? Mi Josefa ha na zwela fande, ne ba lizanga tolombita. Mi cwale kutaha nto yeñwi, Joani akena mwa Moya mi autwa tolombita. A utwa tolombita, mi ki ha sikuluha kuli atalime sene sili kwa mulaho wa hae ha na utwile tolombita; ha sa keni mwa Moya.

¹³⁰ Mwendi na sweli kubina, kutula, inza mata mata fa sooli. Nana ni nako yende, na li mwa Moya. Konakuli, mi ki ha. . . Zeo za kona ku utwahala kashwau, kono ha Ni talusi ka nzila yeo, mwabona. Na ka kona! Yeo. . . kihande, mwendi na sweli

kueza cwalo. Ni sepa kuli nabile ni nako yende hahalu mwa Moya, inza lumba Mulimu fela, kakuli ona cwalo luli kona mo ne ku ezahalezi Moya ha u wela ku bona mwa sibaka sapili. Fani Moya o Kenile ha u ba suluhela, ba tantalika sina batu baana ni basali baba kozwi, mi baeza inge kuli ba kozwi, ni ku yabana. Ni kubiza- . . . kuzwelapili ona cwalo kuli kufitela batu ba bulela kuli, “Sicaba se sin wile waine yenca.” Yeo kona nzila yene ba ezize ka yona ka nako yapili, kona kuli Moya wa taha hape, na ezize ka mukwa o swana. Mwabona? Hakuna ze nca ka za taba—taba yeswana ye, bo ki bulapeli bwa *mufuta wa kale*. Eehe.

131 “Mwa Moya ka lizazi la Mulena.” Cwale, lwa li utwa. Cwale sikamañi? Cwale, ki sikamañi sa na sweli kueza? Na shimbuluzwi kuzwa fa sooli cwale, mwa Moya, ku yo punya mwa lizazi la Mulena. Mi amano kena fela mwa lizazi la Mulena, autwa tolombita. Ki sikamañi seo? Ki Mutu ya atumela. Yomutuna ki yena ya atumela. Tolombita ya lila, Kuna ni ya taha! A talima! Haleluya! Tolombita:

Ali, Ki na Alfa ni Omega, wa pili ni wa mafelelezo: . . .
(ha ki zibahazo ya bubeli kwa siemba sa bubeli kamba sibeli sa bulalu, kono Siemba sinosi fela) . . . *Kina zepeli cwalo Alfa ni Omega, . . .* (“Mi Ni si ka mi bonisa kale sika kaufela, Ni bata ku mi zibisa yo Nili yena!”)

132 Sinulo yetuna hahulu kwa lika kaufela ki Bumulimu, Bumulimu Bobutuna bwa Mulena luna Jesu Kreste. Ha mukoni kuba ni za makalelo konji pili ha mu lumela zeo, muwela kwande. . . Kona za na bulezi Pitrosi kuli, “Mubake, mi ni kubona Bumulimu. Mu kolobezwe ka Libizo la Jesu Kreste kwa swalelo ya libi za mina, mi kipeto mu itukisize kukena mwa Moya.” Nto ya pili ye mu na ni kuziba ki ka za Bumulimu bwa Kreste. “Kina Alfa ni Omega! Ni zwa kwa A kuisa Z, hakuna zeñwi konji Na. Ne nili kwa simuluho, Ni kaba ni kwa mafelelezo. Kina ya Na liteni, ya liteni, mi ni ya sa taha, yena Yamata kaufela.” Munahane ka Seo! Kona sene ibulezi tolombita.

133 Tokomela Joani! U keni mwa Moya, kuna ni ya ka li patulula ku wena. Ki sikamañi seo? Ki mulumo wa tolombita, nto yapili, “Kina Alfa ni Omega.” Wa pili kwa sinulo kaufela. (Oh, muezalibi, kubama, baka cwale nako isika fela kale.) “Kina Alfa ni Omega.” Yeo kona nto yapili ya kueza ya Na mu tuhezi kuli a zibe, yo Neli mañi. (Ki ufi ya taha yoo? Kana yo ki yena Mulena Jesu? Mulena Mulimu? Mulena Moya o Kenile?) Mi ali, “Kina wa lika Kaufela! Ni zwa kwa A kuisa Z. Ni wa makalelo ni mafelelezo. Na ni ya Sashwi, Wa Kuyaile!”

134 Kasamulaho nyana lwa Mu bona mwa butu bwa hae ka buino bo bu sebene, amutalime seo Ali sona. “Ni wa makalelo ni wa mafelelezo. Kina Alfa ni Omega, wa pili ni wa mafelelezo. Ne nili teni kwa makalelo kusikaba kale sa pili; mi ni kasamulaho

hakusina wa mafelelezo, Ni kana ni ba teñi,” ka manzwi amañwi.
 “Wa pili ni wa mafelelezo!”

*. . . mi, So bona, si ñole mwa buka, mi u si lume . . .
 kwa likeleke ze sebene ze li mwa Asia; kuya Efese, . . .
 Smurna, . . . Pergamosi, . . . Tiyatira, . . . Sardis . . .
 Filadelfia, ni ya Laodesia.*

135 Ku lukile, sinulo ya mufuta wapili ki Butuna bwa Bumulimu bwa Jesu Kreste. Mu lukela kuziba Yo ali yena a mu utwa Lizwi. Ku lukile, ki Linzwi leliswana lene li utwahalile fa Lilundu la Sinai, ki Linzwi le liswana ni lene li utwahalile fa Lilundu la Petuho, ki Yena ya swana, “Alimuñwi yaswana ni Mwana mutu.”

136 Cwale amutalime timana yetatama. Ku lukile:

Mi Na sikuluha . . . (Kauhanyo ya 12 cwale.)

137 Lu ka siya likeleke ze fa muzuzu fela, kakuli sunda yetaha ye kaufela ikaba ka likeleke zeo. Mwabona, lu ka fitelela fela zeo.

138 Kono ki Hali, “Ze . . . Ni ka ku supeza ko na ni kuisa Liñusa le Ni kubonisa le.” Kimañi yoo? “Kina wa pili ni wa mafelelezo. Kina Yaipitezi Ninosi. Kina Yamata Kaufela. Mi Ni tilo ku bulelela kuli Ni kufa Liñusa kwa likeleke ze sebene. Ni bata kuli u Li ñole, u Li lukise hande.” Mwabona? “Mi ki likeleke ze sebene ze li mwa Asia.” Cwale, nekuna ni likeleke kwani ka linako zani ze ne yemela masika a likeleke ana sa taha.

139 Cwale:

*Mi Na fetuha kuli ni bone linzwi le li ambola nina. Mi
 ni ma no fetuha, Na bona likandela ze sebene za gauda;*

140 “Likandela ze sebene za gauda.” Cwale, ki . . . Kuya ka King James, zeo ni ziba kuli munani kamba ya Scofield kamba—kamba mwendi ki Thompson Chain, kamba yeñwi ya zona, ha isika luka foo. Ha i buleli kuli likandela, ibulela kuli lilambi; mitai ya lilambi, Na sepa, kona ye lukile, kona linzwi le li lukile le li bulezwi mwa toloko ya makalelo. Mwabona, mwa manzwi amañwi, likandela ze sebene za gauda ze neli likeleke ze sebene. U bulela kasamulaho nyana, ki se- . . . mwa timana ya 20 mo, “Likandela ze sebene zo boni ki likeleke ze sebene.” Kacwalo, mwa bona, haiba neli kandela, neika shengunuka kapili ni kutina, fa nako nyana fela. Kono ha ki likandela, ki la—la mitai ya lambi. I toloka kuba mitai ya lambi. “Ha ni fetuha Na bona alimuñwi yaswana sina Mwana mutu ayemi mwahali a . . . lilambi ze sebene.”

141 Cwale—cwale amutalime. Kandela neika tima kapili, ne ika tima, nekusike kwa ba ni ze ne ka siyala za yona, mwa liholo ze likani fela neika tima. Kono ki lambi, lambi iswana sina cwana, . . .

142 Fa, halu—halu ngeni Liñolo fa, ha—halu ngezi Zakaria 4:1, mi kipeto luka kona mwendi lunge ku Zakaria mwani ze lu bata. Zakaria 4:1, Mi Ni lumela kuli mwendi ku yona ye luka kona ku—

ku hoha hamoho ze lu bata. Ha ni fumani Zakaria mwa Zefania, ni Ni ka ifumana mwateni? Ku lukile. Ku lukile. Bibebe yaka ya kale se ibata kupazuha cwale. Zakaria 4:1, amuteezele hande cwale, mu be ni siswaniso sesinde fa:

Mi ni lingeloi . . .

143 Mupolofita, cwale, neli fela lilimo ze mianda iketalizoho ni ze naintini Krete a si ka taha kale:

Mi lingeloi lene li bulela ni na la taha hape, mi la ni zusa, mo ku zusezwa mutu ya lobezi, (Cwale ki mupolofita yali mwa pono.)

Mi lali kuna, U bona ñi? Mi Na li, se Ni bona, ni bona malambi. . . (Cwale, ao kona manzwi a swana a tolakilwe ka za mitai ya lambi.) . . . yena ni pizana ya oli fa ngo . . . fa ngo ya mubili wa yona, (Yeo ki lambi.) . . . ni malambi a sebene fa mitai ya yona, ni lipompi ze kena mwa malambi a sebene ao, a fa mitai ya ona: (Mwabona, masika a likeleke a swana ana sa taha. Mwabona?)

Ni likota zepeli za olive kwa neku la yona, . . . (Cwale, ki mufuta o cwani wa . . . Ki sikamañi se ne ba cisa mwa malambi ani mwa linako Bibebe? Kana kuna ni ya ziba? Oli. Neli oli ya mufuta o cwani? Oli ya Olive.) . . . likota zepeli za olive. . . (Ki sikamañi seo? Ki Testamentente ya Kale ni ye Nca; ki zepeli zeyemi kwa maneku a yona.) . . . yeñwi ya neku le la pizana, mi yeñwi kwa neku la nzohoto la pizana.

Cwale Na alaba lingeloi le li bulela nina, nali, Ze ki ñi, muña ka?

Mi lingeloi le li ambola nina la ni alaba lali, Ki kuli ha u li zibi—hau lizibi? Mi Na li, Awa, muña ka.

Mi la ni alaba ni ku ni bulelela, kuli, Le ki linzwi la MULENA ku Zerubbabele, uli, Ha si ka mata, nihaiba ka bulena, kono ki ka moya waka, kubulela MULENA wa limpi. (U ka kutiseza Jerusalema.)

144 Cwale, kandela ki nto mañi? Ki mutai wa lambi. Mi mulemuhe bunde bwateni. Fa, ha na kutile, a bona Ya swana ni Mwana mutu ayemi mwahali a malambi a sebene a gauda, atalusa masika a likeleke ze sebene ze ne sa taha. Mi mutai ni mutai, kamba—kamba mutai wa lambi, o keni mwa pizana ya oli. Mi mwa oli ye kuzwa lambi ye bupilwe ka mufuta usili ye nani muhala ku yona mi muhala u kenyizwe mwa oli. Mi haibile fela. . . Ne ba selanga oli fahalimwa pompi, ye ne taza pizana ya yona, ni ni mutai omutuna, mi kipeto ne ikena mwa mitai ya yona, sina cwana. Mi lambi yeo ni muhala inge ukeni mwahala mane ni kwatasi, ona—ona pompi ye kukena mwa. . . ne nze itukelela ona cwalo, musihali ni busihu. Ne mu sa lukeli ku ilaita, ne isa timi; ne ba swalelela fela kusela oli mwa pizana yetuna.

Mi malambi azwile fande cwana, nana ni mitai ye tomilwe fahalimwa ona. Muhala o zwa kwa mitai nokena mwahali mo, ne li zwisa bupilo bwa zona ona kulo moo. Oh, ki shutano mañi ye li kwa kandela. Ha ki shutano ni yeo! Ki lambi, mi ihoha oli.

¹⁴⁵ Cwale, malambi ao, mulilo o noli mwa malambi ao kona oli mwa Testamente ya Kale. Ha ne ba tukisa lambi iliñwi, ne ba sa tukisi lambi yetatama ka mulilo oswana onoli mwa lizoho. Hane ba tukisa lambi ya pili, kipeto ba yaka ku yona ni ku tukisa lambi ye tatama, ni kutima. Ni kutukisa lambi ye, ni kutima ni kutukisa lambi ye ka mulilo o swana one ba kalile kwa makalelo. Oh, Ni sepa kuli ha li mi fiteleli fa litho. “Jesu Kreste waswana maabani, kacenu, ni kuyakuile,” ki mulilo o swana (Moya o Kenile) ono tukisize likeleke zani kushetumuka mwahala masika.

¹⁴⁶ Kana Jesu na si ka bulela ku Muhalalehi Joani 15 kuli, “Kina kota, mina mu mitai?” Cwale, Yena ki yena Kota luli, luna lu mitai. Cwale, kota haibeyi muselo. . .

¹⁴⁷ [Hakuna manzwi fa tepu—Mu.]...ha munga kota ya litolwana, inge ya olonji, mi mukona kunga ni—ni mutai wa yona kwateni—wa yona kwateni, kihande, Ni bulele kuli, ki kota ya miselo ya magilepu, ni ku ihasanya mwa sibaka a kota ya olonji ni ku comeka kota yeo ya miselo ya magilepu ku yona, ika hula. Mwaya mu yo nga mutai wa lemoni ni ku u comeka mwa kota ya olonji, ika hula. Kamba kunga kota ya pomegranati, ni ku icomeka. Kamba muselo kaufela wa litolwana, tangerine kamba tangelo, ifi kaufela ya litolwana zani, ni kuibeya mwa kota yee, mi ika pila ka bupilo bwa kota ya olonji yani; kono haina kubeya maolonji. Ika beya miselo ya magilepu, ika beya ma tangelo, ika beya ma lemoni, kono inze ipila ka bupilo bwa kota ya luli, kono haiba kota ya luli yani ika tuhela mitai usili wa. . . mitai ya yona, ikaba bupilo bo bu swana ni bo buli mwahala yona, ika beya ma ololonji. Kakuli, kwa simuluhu, mwa mubisi wa yona kuna ni bupilo bwa kota ya olonji, kono yeñwi yakona kupila ka yona haibile fela ki muselo wa litolwana zeswana. Kono haikoni kubeya muselo wa makalelo, kakuli ha izwi ku ya niti.

¹⁴⁸ Cwalo kona mo iinezi keleke. Ba bapuzi Kota ni kucomeka mwateni Presbyterian, Methodist, Baptist, ni zeñwi ze cwalo. Isweli kubela miselo ya Baptist, muselo wa Presbyterian, muselo wa Methodist, kono haiba ika. . . ona kota yani ika shoshela mutai omuñwi, ikaba mufuta wa mutai o swana ni o ne I beile ka Lizazi la Pentekota: ili Kota ya makalelo! Uka bulela ka malimi ni kuba ni mata ni lisupo za zuho ya Kreste ku ona. Kiñi? Kakuli ipila ka lika zeitahela fela ili mo icalezwi. Mane, ha iska calwa mwateni, ipepezwi mwateni! Kulumbwe Mulena! Oh, mawi! Ne ni si ka nahana ka zeo foo.

¹⁴⁹ Mwabona, zeñwi ze kwateni li comekilwe fela; ba li comekile fela mwa kota yee, kona ha li beya miselo ya mifuta ya zona.

Hali koni kunga Ye. Ha li lumeli ku Zeo, kakuli hakuna ze li ziba za Yona. Kono haiba li pepezwi mwa Bupilo bobuswana bo bu zwile mwa kota mwani, kona fela lika linosi ze likona kubeya, ili Bupilo bwa mubisi wa kota ya makalelo.

¹⁵⁰ Mitai ya lambi ye kaufela yona ikwanile hande mwa pizana iliñwi yetuna, maswalelo alimañwi amatuna, ni ze shutana ze naini. . . kamba malambi a sebene a shutana a zwile ku yona. Mi ba si no eza cwalo, yeñwi ni yeñwi ya maseli ani na hoha kwa makalelo a bupilo bwa luli. Mi liselo la lona neli bakeñisa kuli kandela ya yona ne icimbekilwe mwa mupaipo omutuna woo. Oh, ha ki siswaniso kwa bunde sa linaleli zani (ne li yemela sani) ni bupilo bwa hae inge butuka mulilo wa Moya o Kenile. Mi ki. . . Ka tumelo utuka ka Moya o Kenile, mi bupilo bwa hae ki kandela, kamba isiñi kandela, kono ki muhala o cimbekilwe mwa Moya o Kenile (kukena ku Kreste), mi ka ona muhala wani u anya Bupilo bwa Mulimu ni kufa Liseli kwa keleke ya hae. Oh, ha ki siswaniso sa mulumeli wa niti ni seo! Ki Liseli la mufuta mañi la sweli kufa? Ki mufuta o swana wa Liseli lene lili teni ha ku tukiswa kandela ya makalelo.

¹⁵¹ Fani keleke ya lusika lwa pili ha ikala, neli ya Efese. Paulusi, yena lingeloi la keleke yani, iliñwi ya linalelo. Kuna ni linaleli ze sebene ili kotalusa kuli mangelo a sebene, “balumiwa” ba sebene. Sunda ye Na kona kunga Liñolo ni litaba za kale ni ku mi bonisa kuli yeñwi ni yeñwi ya zona ki ya niti ku lingeloi ni lingeloi, mi lingeloi kaufela nelina ni Liseli le liswana. Yeo ki niti. Mi cwale mwahala masika ao, yena yomutuna Yani ataha.

¹⁵² Mulemuhe, cwale ba sweli kunwa mwa pizana tua ye ya Oli, ili Liseli. . . bupilo bu cimbekilwe ki Kreste. Mu shwile, mi bupilo bwa mina bu patilwe ku Kreste ka. . . kamba bu patilwe ku Mulimu ka Kreste, mi swailwe ka Moya o Kenile. Hakuna mukwa ni o mukana wa ku mi zwise mwateni. Mukona kueza cwani zeo? Hakuna mutu yakona ku ku nyamatala. Mafelelezo a bupilo bwa hao atuka ka Moya o Kenile; oh, kutuka, kufa Liseli. Mafelelezo amañwi a bupilo bwa hao a cimbekilwe kai? Ku Kreste. U shwile mi upatilwe ku Kreste, ili Moya o Kenile, wa ku pata mwani kuli ukona ku. . . diabulosi hakoni ku kuswala. Amen! Wakona ku hona ni kutaza lilata. Mane nahaiba lifu kasibili halikoni ku ku swala, “Mawe wena lifu, bukai buhazo bwa hao? Ikai tulo ya hao? Tumbo ibe ku Mulimu ya lufa kutula ka Mulena luna Jesu Kreste.”

¹⁵³ Mafelelezo a timana ye, halu ibaleñi:

. . . *Mi ha ni fetuha, Na bona likandela za gaunda;*

*Mi mwahala likandela ze sebene za gauda kuyemi
alimuñwi ya swana. . . sina Mwana mutu, . . .*

¹⁵⁴ Mawi! Kana mu lemuhile? Linaleli, likandela, mitai. Zeo litalusa sikamañi? Se sitalusa sikamañi? Kuli ya nako ye lupila ku yona seli nako ya busihu, likandela ni maseli ni linaleli

litalusa busihu. Mi kana naleli iezanga sikamañi? I monyehanga liseli kufitela lizazi likuta. Kufuyolwe Libizo la Mulena! Mi mukutazi wa niti wa Mulimu a monyehi liseli leliñwi la kulaita fela byaa, inge kakota ka menkisi, kamba sikapi sa mukuñu wa mbonyi se si tuka; u monyeha maseli a gaunda ya Kreste kwa Keleke, kuli “Ki ya swana, mi Wa pila, mi U sweli kubenya ku na.” Amen! Leo kona Liseli la monyeha. Naleli imonyeha liseli la lizazi, mwabona, kacwalo lu monyeha Liseli la Mwana Mulimu. Lueza lika ze swana za Na eza, lufa Liseli. Ki liseli la mufuta mañi? Liseli la evangeli ku bona.

155 Cwale ha lu Mu talimeñi fa pata nyana, halunze lunga siemba sa mafelelezi a timana ya 13 yee:

Mi mwahali (fani ki fahali) a likandela za gauda kuna ni ya swana sina . . . Mwana mutu, ya apezi liapalo ku yo fita kwa mahutu, mi aitamile lukanda lwa gaunda mwa teka.

156 Cwale ki ye ponahazo ye paka kuli tuto ye ilukile kuama lizazi la Mulena. Kana mu Mu boni? Na si muprisita ka nako ye, kamba kuli Abe mulena, Na li muatuli. Mulemuhe, ali muprisita, muprisita yomutuna, mi ha yo kena mwa ndu ye kenile kamba kuya ku mukutazi, kwa kueza sebelezo, na itamelelanga mwa teka. Kutama lukanda lwa hae mwa teka, kutalusa kuli na sebeza; na si ka lu tama fahalimwa liheta la hae. Kono ki yo Wa taha, inza zamaya ni lukanda lo lu tamilwe fahalimu, ni lukanda lo lu tamiwa fa liheta inge luli fa liheta la Hae; inza itamile fa sifuba, fa mazwele, ka lukanda lwa gauda, inge lu tamezwi mwahalimu. Ki sikamañi seo? Ki muyemeli wa muzeko, ki muatuli. Muatuli ni lukanda lwa hae fa liheta, inza itamile lona fahalimu, isiñi lo lu lepelela fafasi inge muprisita. Mwabona, zeo libonisa kuli Na si mwa buprisita bwa Hae cwale, Joani naile musipili kaufela ku yo punya mwa lizazi la Mulena ni ku Mu bona sina muatuli ya taha.

157 Mwa lumela kuli Ki muatuli? Ha lu baleñi Muhalalehi Joani 5:22, kapili fela, lu ka bona kamba Ki muatuli kamba nee. Muhalalehi Joani 5:22:

Kakuli Ndate ha atuli mutu, kono ufile Mwana ku atula linto kamukana:

158 Ki niti yeo nji? Ki yena muatuli, Muatuli Yomutuna. Mi Joani ubonisa kuli Na si yo mwa lizazi la bupolofita bwa Hae, kakuba sina mupolofita, kamba mane kuli mwendi Na keni mwa mazazi a bulena bwa Hae, kono Nali mwa lizazi la Mulena sina Muatuli. Cwale, ki ba bakai baba ziba kuil muprisita ya itamile lukanda lwa hae, muhala wa hae mwa teka utalusa kuli u mwa sebelezo? Kaufela ya bala Lirestamente, ya ziba Testamente ya Kale, wa ziba cwalo. Haiba muprisita uitamile lukanda mo cwana, u mwa sebelezo, ki mutanga. Kono Yena naitamile fahalime faa, ki muatuli.

159 Ha lu baleni fa pata nyana:

. . . ili lukanda lwa gauda . . . neli . . . fa maheta . . .

160 Yeo ki niti, fahalimu cwana faa, Na li Muatuli.

Cwale luka bala buino bo bu sebene bwa kanya ya Butu bwa Hae. Oh, mawi! Se si ni ezisa kuhuwa Ni si ka fita kale fateni. [Hakuna manzwi fa tepu—Mu.] Mulemuhe! Oh, ye ki nto yende hahulu. Amu teezeze fela:

Mi fa toho ya Hae . . .

161 Cwale amutalime, Yena ki lika ze sebene, fa wa li bulela: toho ya Hae, milili ya Hae, meeto a Hae, mahutu a Hae, linzwi la Hae, . . . Lika ze sebene Za bulezi faa, ili kanya ya likalulo ze sebene za Jesu Kreste. Ha luboneñi ni I bale:

Toho ya Hae ni milili ya hae neli ye misweu twaa sina moya bwa ngu, yemisweu twaa sina litwa; . . . meeto a hae neli . . . inge malimi a mulilo;

. . . mahutu a hae inge . . . sipi ye cisa, inge kuli icisizwe mwa ondo ya mulilo; mi linzwi la hae . . . inge kutuuma kwa mezi a mañata.

Mi mwa . . . Mi mwa lizoho la hae la silyo nana ni linaleli ze sebene: mi mwa mulomo wa hae nekuzwa mukwale o lozizwe kafa ni kafa: mi sifateho sa hae ne si benya sina lizazi mwa mata a lona.

162 Ha ki pono ni yeo! Ki sikamañi sa na boni faa? Ki Mwana a Mulimu ya filwe kanya, mi ni sisupo. Cwale, halu—halu itukisezeni fela cwale.

163 Oh, mawi, Ne ni nahana kuli ki naini, kanti ki eiti fela. Ha ni si ka kala kale. Ku lukile. Ki hande. Cwale, mu ni swalele mina mizwale baba yemi, ni ba ya ikalezwi ha ni ba bona haba yemi, mwa bona, kakuli Ni ziba kuli mahutu a bona a opa. Haiba Ni na ni mizwale babañwi, ka sika kaufela se Ni kona kueza, Ne ni ka eza cwalo. Cwale, Ni bata kuli mu utwisise taba ye hahulu. Ni kuyema fa nako nyana mi Mulimu a mi yolise ka kutala, kona tapelo yaka.

164 Cwale—cwale amulemuhe, nto yapili, cwale mulemuhe, toho ya Hae ni milili ya Hae neli yemisweu twaa sina boya bwa ngu. Toho ya Hae ni milili ya Hae neli ye misweu twaa sina boya bwa ngu. Cwale, ha ku talusi kuli Na supezi, sene si mu ezize cwalo. Ne si lona libaka leo. Na si ka supala kuli aeze cwalo. Na li . . . Ne li bakeñisa kutwisiso ya Hae ni linepo ni butali bwa Hae. Kakuli Ki wa Kuyakuile, mi za Kuyakuile ha likoni kusupala. Mwa utwisisa?

165 Ha lu apuleni pili, mi luka—luka Mu swanisa fa ka se, mi lu ka lemuhwa Sa li sona. Cwale, ha lu apuleni mwa Daniele 7:9, fa muzuzu fela, mu bone siswaniso se si swana ku Daniele Kwa taha sina . . . kulo fa kwa Kuata kwa nako. Mi mane mutu ni mutu,

muituti wa Biblele, wa ziba fo lu sweli kubala cwale. Daniele 7, ni timana ya 9; Ni ka kalela fa 8:

Mi Hani buha manaka ao, na, bona, kuli kumela. . . linaka leliñwi lelinyinyani, mwahala—mwahala manaka amañwi apili a malalu a kulwa ki lona: mi, amubone, mwa linaka le nekuna ni meeto aswana sona. . . a mutu, ni mulomo o bulela zetuna.

Mi Na talimela kufitela ha kubewa mabona, . . .

¹⁶⁶ Cwale amuteeleze. Muteeleze hande, cwale. Kana mwa ni utwa hande kwa mulaho kafoo? Muli “Amen,” haiba mwa ni utwa. Ni buzize musala ka kwa mulaho kwani. Ni sepa kuli maiki ye fa. . . kwanu i utwahala hahulu, nji cwani? Cwale, Ni sweli kuwaka katata, Na sepa, ku ye fa.

¹⁶⁷ Ku lukile, cwale Daniele 7:9:

Mi Na talimela kufitela hakubewa mabona, cwale Yomuuhulu wa mazazi aina, sapalo sa hae neli se si swei sina litwa, mi milili ya kwa toho ya hae neli. . . yemisweu sina boya bwa ngu: (Yomuhulu wa mazazi.) . . . lubona lwa hae ne lu bonahala inge malimi a mulilo, mi mawili a lona na swana sina mulilo o tuka.

Mi mulilo—mulilo nuka ya mulilo ne izwa ku yena inze buba fa pila hae: baba eza bo lule ba bo lule kwa buñata ne ba mu sebeleza, mi mi baba lishumi. . . ka likitikiti ne ba yemi fapila hae: baba beilwe ku atula baina, mi libuka za apulwa.

¹⁶⁸ “Milili yemisweu!” Kaufela. . . kaufela ya ziba kuli ba atuli ba kale mwa mazazi a kale. Sina baatuli ba ma English ne ab tinanga zesweu—kuwani yesweu. Ki ba bakai ba bahupula cwalo? Baatuli ba kale ne ba tinanga kuwani yesweu kakuli nebali. . . Mi ki Yo fa, kubonisa hape kuli Joani u mwa lizazi la Mulena, na Mu bone ka kuba muatuli. Amen! Isiñi kuba muprisita, isiñi sina mulena, isiñi sina mupolofita, kono sina muatuli. Ndate (Ki Muhalalehi Joani 5:22) ubeile katulo kaufela ku Yena. Mi Ki muatuli cwale, utaha ku to atula macaba. Oh ka lizazi lani ha mu ka Mu bona cwalo! Milili ya hae neli ye misweu sina litwa, Daniele a Mu bona ha na taha sina Yaatezwi ki mazazi. Amu Mu bone ha tamahanya lika hamoho. Ku lukile:

. . . ni katulo ya lukiswa, mi libuka za apulwa. Mi Na bona kakuli. . .

Mi Na bona kakuli linzwi le lituna—lelituna leo linaka. . . (Batili, Ni fitile fa sibaka sisili, Nji cwani?)

¹⁶⁹ Daniele 7:9, eehe, ki luna faa:

. . . mi mawili a hae. . .

Mi nuka ya mulilo neizwa. . . ku. . . yena: mi baba eza mashumi a likitikiti ne ba mu sebeleza, . . .

Mi Ne ni nze ni talima kabakala manzwi a buikanyiso ene li bulela linaka: mi Ni sa talima cwalo sibatana ki ha si bulawa, mi mubili wa sona wa sinyiwa, ni ku nepelwa mwa—mwa mulilo kuli si cisiwe. (Uhm!)

Haili libatana zeñwi, za a muhiwa bulena kaufela: (boo ki bulena bwa Bamacaba ni mibuso ye wile) kono za ekelzwa kwa bupilo kuisa kwa nako ye tomilwe.

Ha Ni talima mwa lipono za ka za busihu, mi, amubone, yomuñwi ya swana sina Mwana mutu ataha mwa . . . malu a kwahalimu, . . . (Lu Mu boni cwani mwa Na tahela kakusasana kacenu, mwa timana ya 3? U taha mwa malu a kwahalimu, ki Mwana mutu.) . . . yaswana sina Mwana mutu inza taha mwa malu a kwahalimu, a sutelela ku Yomuhulu wa mazazi, a tahiswa ku yena.

Mi a fiwa bulena, ni kanya, ni mibuso, ni sicaba kaufela, ni linaha, . . . mishobo, ba to mu sebeleza: bulena bwa hae ki bulena bwa kamita, bo bu sina kufela, mi mibuso wa hae uka . . . mi mibuso wa hae hauna ku feliswa.

¹⁷⁰ Ataha ku Yomuhulu wa mazazi wa milili ye misweu sina boya bwa ngu. Mi Joani a sikuluha ki ha bona ya swana sina Mwana mutu ya yemi mwahala likandela za gaunda ze sebene, wa milili ye misweu twaa sina litwa, ki Muatuli! Ha si ka itama mwa teka, kono na itamile fa sifuba, fahalimu fa, ki muatuli! Ni lisila la muatuli fahalimwa liheta la Hae, A yema ni gauda, yesina masila, ye kenile, ye fitisizwe mwa mulilo, ki lukanda lo ne lu bulukile kuluka kwa Hae. Sapalo sa Hae! Na apesizwe ku yo fita ni kwa mahutu. Mutalime mibonahalelo ye sebene ya butu bwa Hae ni kanya.

¹⁷¹ Cwale, Na lumela, timana ya 14:

Milili ya hae . . . toho ya Hae ni milili ya hae neli ye misweu twaa sina boya bwa ngu, ye misweu sina lutwa; mi meeto a hae na . . . swana sina malimi a mulilo;

¹⁷² Toho, milili; “meeto a hae inge mulilo.” Munahane ka zona! Meeto ani nako yeñwi na itimile ka mioko ya mutu, cwale abile malimi a mulilo. Mwa bunyemi U yema fani sina muatuli ya halifile. Kiñi zene mu Mu hanile? Oh, muezalibi, munahano ka se! Munahano ka zona, membala wa kekele ya cisa neku! Munahane ka zona, Katolika, Baptist, Presbyterian, Pentekota! Munahane ka zona, Katolika! Maria wa mina wa mwananjo naile kwa pentekota ku yo amuhela Moya o Kenile, mi a tantalika ni kuezza lika inge musali ya kozwi. Mahe wa Krete kaufela nana ni kuamuhela sani asika lumelezwa kale kukena Lihalimu. Mina basali mu ka fita cwani kwani kwanda a sani? Munahane ka seo, baana, mañi ni mañi wa mina!

¹⁷³ Milili ya hae, mi meeto a hae ana kile aitimanga nako yeñwi ka miyoko, kono Ni bata kuli mulemuhe nto yeñwi ka meeto ani.

Ha Na li mwa lifasi le, meeto na itimile ka miyoko ya butu, kakuli Na lilile kwa libita la Lazaro. Luli! Yatezi sishemo; butu bwa Hae. Na apezi, Na li Mulimu ya apezi butu, fa kuli a takule sibi. Kono kwa mulaho wa butu bwani, Nana ni sesiñwi ku Yena se ne si bonahala hande kwa pilu ya mutu ni kuziba litaba za hae. Kiñi? Nekuna ni sesiñwi mwa mulaho wa Hae, ibo Na apezi nama ya butu.

174 Kono ne ba sa zibi kuli neli mañi. “Haiba ha u lumeli,” Na ize kuli, “ki Na Yena, mu ka shwela mwa libi za mina.” Yeo ki niti. “Ha Ni sa ezi misebezi Ya Ndate, kona kuli mu si ke mwa Ni lumela; kono ha Ni eza misebezi Ya Ndate, kona kuli mu lumele misebezi ha mu sa koni ku Ni lumela.” Oh, mwa Na likezi kutiseza Liñusa ku bona, ili sinulo. Na kona kutalimela mwa pilu ya mutu, na ziba ka zona kaufela. Cwale Ni nahana ka zona: Meeto ani ana talimela kwabuse bwa malundu, atalima fa lifateho za ba ba nyandile, mi na sweli kulila sina mutu, kono niteñi na kona kuswla Moya wa Mulimu mwa mulaho wa pono ya butu yani ni kubona lika kaufela; lika ze ne liteni, lika ze ne liteni—liteni, ni lika ze ne sa taha. A bulela mafefezezo kuzwa makalelo, kona libaka la na bezi teñi mwa mulaho wa meeti a butu ani. Lumeleza Mulimu atahe mwa bupilo bwa hao mi a ku zamaise, mi Uka ku bonisa ze sa taha. Kakuli haisali wena ni hanyinyani, ki Moya o Kenile mwa bupilo bwa hao mwateni inge utalimela ka meeto a butu ani kuli atalimele lika things.

175 Oh, kanya ku Mulimu! “Ni ka sulula Moya wa Ka fahalimwa libupiwa kaufela, mi bana ba mina ba bashimani ni ba ba sizana ba ka polofita, mitangana ya mina ibone lipono, baana bahulu ba mina ba ka lola litolo.” Haleluya! Fokuñwi Uka ku lobaza kuli Atalime ka kuitusisa wena, kono U ka mi bonisa linako zeñata. “Mitangana ya mina ika bona lipono, baana bahulu ba mina ba ka lola litolo; Ni ka sululela Moya wa Ka fahalimwa batanga ba Ka ba basizana ni mutanga ka.” Isiñi, “Fahalimwa madikoni ba Ka ni balisana, mi ni fahalimwa Ba . . .” “Fahalimwa yo kaufela ya lata, fa libupiwa kaufela, Ni ka sulula Moya wa ka.” Mwa komoka ha Ni huwa taba yeo, kono ya taha mwa masika a likeleke zee.

176 Oh, ki Yani fani, meeto ani. Mi, muhupule, zazi leliñwi, ona meeto ana fateha ka miyoko ani, meeto ani aka yema fa katulo. Cwale a swana sina mayekuyeku a mulilo asweli ku monyeha kwa ni kwa mwa lifasi kaufela, mi hakuna ze ezahala kono kaufela Wa li ziba. Oh, mawi, li ñozwi. Inza monyeha kwa ni kwa mwa lifasi inza lemuha muzamao kaufela, ni ku lemuha muhupulo kaufela, ni kuziba lika kaufela ze mu sweli kueza, maikuto a mwa pilu, se ne mu lela kueza. Wa ziba lika kaufela. Wa ziba kamba wa Mu lata. Wa ziba kamba milelo ya hao ilukile, ha u Mu sebeleza. Wa ziba lika zateni kaufela. Mi ki sikamañi se si ka ezahala ha u ka yo yema ka zazi lani foo sibi kaufela

ha si kaba fa nalela fapila Hae, mi Yena uyema fani fa Lubona Lolusweu lwa Katulo?

177 Mulimu, ni lukulule kwa sibaka sani! Ha ni lati ku bona zani. Haiba Mulimu ya nyemile u zamaya kwande cwalo ni mulilo o zwa mwa meeto a Hae, ka kuluka, ni milili yemisweu kwa toho ya Hae ona cwalo, ni meeto a Hae inge a tuka mulilo o ziba muhupulo kaufela wa pilu ya hao, ni lika kaufela zokile wa lela kueza. U ni pate mwa Licwe la Myaha myaha le ni lukiselizwe! Mulikani wa kale na opelanga kuli, “Lifasi le hali ka tuka mulilo, yema bukaufi nina. Yema bukaufi ni na, mi mbandi ya Hao ibe musamo waka. U ni pate mwa Licwe la Myaha myaha.” Mulimu, Ha ni lati katulo ya Hao. Ha ni lati Za . . . Se Ni bata ki sishemo sa Hao, Mulena. U ni fel sishemo sa Hao, isiñi Katulo ya Hao ye lukile. Uni fe fela sishemo sa Hao. Isiñi milao ya Hao, isiñi kaufela . . . U ni fe fela sishemo, Mulena, kona fela ze Ni kona kukupa. Hakuna ze Ni tisa mwa mazoho aka (Ha ni yomunde, hakuna bukwalu), konji fela kuswalelela kwa sifapahano sa Hao ko Ni kumalezi. Mulena, kona fela ze Ni ziba: Kuna ni yatilonga sibaka sa ka.

178 Amutalime butu bo bu sebene bwa Hae, mi mu ka bona sa Na ezize.

Toho ya hae . . . neli yesweu sina litwa; sina boya bwa ngu, milili yemisweu; mi meeto a hae neli . . . (halu boneñi) . . . Toho ya hae . . . neli yesweu sina . . . litwa; mi meeto a hae na . . . tuka malimi mulilo;

Mi mahutu a hae na swana sina . . . sipi ye cisiwa mwa mulilo, ye cisiwa mwa ondo ya mulilo;

179 Amutalime cwale. Lu lemuhile fela Kwa apezi, mwa ziba. Cwale amutalime. Toho ya hae, meeto a Hae, cwale uya kwatasi kwa mahutu a Hae sina sipi. Mutalime swalisano ya siswaniso sa na boni Joani sa Jesu, ni sa na boni Daniele sa mpi ya lifasi, toho ya gauda ni zeñwi cwalo.

180 Mutalime se ne sili fa, inge a yemi fani, sipi. Kana sipi ibulela sikamañi? Sipi iyemela katulo, katulo ya Bumulimu. I bonisa kuli mulelo wa Hae ka kutala utaha mwa lifasi sina Mulimu, kuli abe nama, mi A lushwela ni kunga likatulo za Mulimu, ki katulo ya Bumulimu, mi u amuhezi Mubuso o li sipi, mi o tiile, mi ha ukoni ku nyanganyiswa. Hakuna nto ye tiile inge sipi, mi hakuna sika se si fumanwi kunyamatala kutiya kwa yona.

181 Katulo! Sipi ibulela za katulo ya Bumulimu ye se atuzwi kale. Amutalime fa noya ya sipi ya kopa mwa lihalaupa. Noha ya sipi yani ne iyemela sikamañi? Noha ne iyemela sibi; kono, inge ili sipi, katulo ifilwe kale kwa sibi.

182 Cwale, mulemuhe hape mazazi a Elia, hane ba haile Elia ka kuba mupolofita, ona kahala nyana kani, ona lusika lwa keleke ya kale. Leliñwi la mazazi aa Ni ka tisa ni ku mi bonisa kuli Isilaele neina ni masika a likeleke ze sebene, ni yona, mi ne

iswanisisa hande ku aa. Mi mwa lusika lwa keleke ya bona, mwa mazazi a Elia, ba mu hana mi kuna ni myaha ye milalu ni likweli ze silezi zene sina pula. Mi mupolofita wa kale abulela kuli “lihalimu ne li bonahala inge sipi,” Katulo ya Bumulimu fahalimwa linaha ka kuhana Mulimu ni kuteeleza ku Jezabele.

¹⁸³ Sipi hape iyemela katulo ya Bumulimu kwa katala ko ne ku bulailwe sitabelo, katala ka sipi. Kubulaiwa . . . Makalelo ateni luli neli sipi, ili katulo, Na hatikezi silubelo sa veine ya buhali bwa mabifi a Mulimu ni ku lwala katulo ya luna fa maheta a Hae. Muapule mwa Sinulo 19:15, fa muzuzu fela, ha lu boneñi sa Na ezize. Ki Sinulo 19:15, ha lu baleñi fa nako nyana haiba Na kona kuifumana. Eehe, ha lu kaleleni fa . . . halu boneñi, mwendi fa timana ya 12:

Meto a hae inge . . . malimi a mulilo, mi kwa toho ya hae ki kuwani, likuwani zeñata; mi una ni libizo le liñozwi, le li sa zibiwi ki mutu, konji . . . yena.

Mi u apezi sapalo se ne si cimbekilwe mwa mali: mi libizo la bizwa Ki Linzwi la Mulimu. (Cwale, muhupule, Libizo la Hae ne si Linzwi la Mulimu, Libizo la Hae ne li bizwa cwalo. Mwabona?) . . . libizo la bizwa Ki Linzwi la Mulimu.

Mi limpi . . . ze kwa lihalimu . . . limpi ze kwa lihalimu ne li mu latelela lipahami lipizi zesweu, ne ba apezi line yende, ye sweu ye kenile.

Mi mwa mulomo wa hae ne kuzwa mukwale o buhali, o ka ona una ni kunata ba macaba: mi uka a lisa ka mulamu wa sipi: mi uka hatikela . . . (Kiñi seo?) . . . ki yena ya ka hatikela mwa silubelo sa veine ya buhali bwa mabifi a Mulimu Yamata kaufela.

¹⁸⁴ Kiñi Sa ezize? Buhali bwa Mulimu nebuli fahalimwa luna ka kuba baezalibi. Kana ku cwalo? Hakuna yana ka ipulusa ili yena. Hakuna se ne lu ka eza, kaufela luna lu “Pepezwi mwa sibi, lu bupilwe mwa bumaswe, lwa taha mwa lifasi inge lubulela buhata.” Mi ki sikamañi sa Na ezize? Na tile mwa lifasi, Haleluya, ni kuhatikela mwa silubelo sa veine! Mabifi a buhali bwa Mulimu Yamata kaufela na soluhezi ku Yena. “U ya swanela, O Ngunyana ya Mulimu, kakuli No tabilwe.” A lwala libi za lifasi fa maheta a Hae, mi A lwala bumaswe bwa luna, kuli Mulimu na sululezi mabifi a buhali bwa Hae fahalimwa Hae. “Mi Na holofakezi sibi sa luna, na titikezwi bumaswe bwa luna, koto ye lufumani kozo ka yona iwezi Yena fahalimu, mi ha lufolisizwe ki ka miupa ya Hae.” Hakuna mutu ya kile a shwa sina Muuna yani! A nyanda kufitela mali ni mezi a kauhana mwa mubili wa Hae. Mi maloteli a mali a lota fa liñooyo za Hae kale ku si kaba kale lifu la Hae.

. . . silubelo sa veine . . . ya mabifi . . . a buhali bwa . . . Mulimu Yamata kaufela.

185 Zazi leliñwi mahutu a sipi ani a kuluka (Kanya!), Ha ka taha sina muatuli, Uka hatikela antikreste, mi ni lila za Hae kaufela. Haleluya! Uka zamaya mwa lifasi ni mulamu wa sipi mwa lizoho la Hae. Amen! Oh, u bake, mulikani wa muezalibi, ha u sa na ni sibaka sa kubaka. Lika, ku libeya kwatuko ni ku nahana kuli ki likande nyana feela kuli halina ku ezahala. Li ka ezahala! “Zeo halikoni fela ku ni ezahalela.” Li ka ku ezahalela!

186 Mahutu a sipi, ku hatikela lila za Hae. Kakuli Na nyandile mi ahatikela silubelo sa veine ya mabifi a buhali bwa Mulimu kuli a lifele libi za luna. Mi cwale luna, babana ni mulatu, babotana, mabuku a nyandile ka mo luinezi, lu minyukise lingo za luna mwahalimu ni kubala buka yeñwi yesina tuso ni kulika kunahana kuli “hakuna Mulimu,” ni kubulela kuli “hakuna nto ye *cwalo* yeo, mi katulo haikoni kutaha.” Uka nga mahutu a sipi ani ni ku hatikela sila sa Hae. U ka capwaela kulubaka antikreste. Uka nga likeleke ze kwehezi tumelo zani ni ku li kenya mwa Kuyakuile kwabuse, kokuñwi mwa mulilo o ciseleza ko li ka cisiwa ni kuyonga. Mi Uka busa mwa lifasi, Yena ni Keleke za Hae kuyakuile. Kanya!

187 “Toho, yesweu sina boya bwa ngu,” kuluka, kutwisiso, kuziba kubulela hande, kukwanisa, butali. Ya supezi, busweu twaa, ubulela za butali, ya hulile. Wa ziba Za sweli kueza. Ki yena—Ki yena Sibuba sa butali. Ki yena Sibuba sa kutwisiso. Ki yena Sibuba sa lika zende kaufela, kabakaleo U yemelwa fa sina Mwana mutu, na apezi milili yemisweu ye lepelela. Daniele na Mu boni myaha ye miñata ye mianda anda, myaha ye mianda ye sebene, mi ali, “Na li Yomuhulu ya atezwi ki mizazi. Mi yomuñwi na swana sina Mwana mutu ya taha mwa mata mi a tamahana ni Yomuhulu ya atezwi mazazi, mi katulo ya tomiwa.”

188 Cwale Ni bata fela ku mi buza nto yeñwi. Ni bulela ku mina keleke ye cisa neku. Balanjo baba lishumi ne ba ilo katanyeza Mulena, ba ba ketalizoho neli baba butali, ba baketalizoho neli likuba; sina mo lu ngezi kakusasana cwana, ka za kota ya ku comeka yani. Cwale, muhupule, ha ne bazwezi kwande ku yo katanyeza Mulimu. . . Cwale amutalime, Biblele i bulezi kuli, “Libuka za apulwa.” Daniele 7:9, “Libuka za apulwa.” Yani ki buka ya muezalibi. “Mi kwa apulwa buka yeñwi.” Kimañi ya na tile ni Yena? Ki Keleke yezwa mwa Kuungelwa. Oh! “Mashumi a likiti kualula ka likiti kualula ka likiti za likitikiti a taha ni Yena ni ku Mu sebeleza,” musala Hae, yena Munyaliwa. Oh, kanya! Musala hae na tile ni Yena, ili Keleke.

189 Katulo ya tomiwa, mi libuka za apulwa. Mi kwa apulwa ni buka yeñwi, yeneli mwalanjo ya lobezi, mi mutu kaufela a atulwa kuya ka zeli mwa buka. Mu ka kupiwa kufa libaka ha ne mu si ka eza, mi kona mu ka yo liñi? Mwa ziba ze swanela kuezahala cwale, mwa ziba zende. Hakula mwendi ne mu si ka Li ziba sa pili, kono mwa ziba cwale. Mwabona? Kuli mbali kupiliswa ya lukile katata, cwale muezalibi ni ya sa zibi zabulapeli u ka

yemela kai he? Yena ya hana, ya ziba lika hande mi kipeto wa Li hana. Bao ba ka yema kai? Mahutu a hae inge sipi, katulo ya Bumulumu.

¹⁹⁰ Cwale, ha lu boneñi, lu ka ba cwanoñu . . . kwa mafelelezo a likepe cwale:

. . . milili *sina boya bwa ngu*, . . . *mi meto a hae inge* . . .
malimi *a mulilo*;

Mi mahutu a hae inge—mahutu inge . . . sipi, . . . ye ca mwa ondo ya mulilo; mi linzwi la hae . . . sina kutuuma kwa mezi amañata.

¹⁹¹ “Kutuuma kwa mezi a mañata.” Mezi a yemela sikamañi? Haiba mubata ku li ñola, muapule mwa Sinulo 17:15, mi mu ka fumana kuli Bibeke iize, “Mezi o boni ki kupitinahana, ni nyangela, ni sicaba, ni mishobo.” Ku lukile, “Linzwi.” Ha ki nto kwa kusabisa kwa moyo o cimbauka mwa liwate la bupilo! A sina sandaula ya mu zamaisa, upumehezwi, inge abuba ka mandinda, inge autwa kutuuma kwa mezi, a sibuba. Ha ki nto kwa kusabisa mo ikabela kwa moyo o cimbauka. “Linzwi la mezi amañata.” Linzwi la Hae ki sikamañi? Ki yona katulo; linzwi la bakutazi, ka Moya o Kenile, o lilezi kwa sicaba mwahala lusika lufi ni lufi kaufela, inge uyemi fani. Ki Linzwi la mezi amañata lene li utwahalile, kupitihana ni nyangela. Linzwi la linaledi ze sebene zani mwa lizoho la Hae, kwa lusika lwa keleke ifi kaufela, ye kutaza kolobezo ya Moya o Kenile, ili kolobezo ka Libizo la Jesu, kubulela ka malimi, ili mata a Mulimu, za zuho ya Kreste, za Kutaha kwa Bubeli, katulo ya Bumulumu. Linzwi la mezi amañata ne lizwile ku ya na bonahala inge Mwana mutu, mezi amañata.

¹⁹² Ze lukela ku zibiwa kuli uinzi mwa mikopano inge u utwanga kuli ulukela kulukisa lika ni Mulimu ni kuamuhela Moya o Kenile, mi ni moyo o yambaela ha utwa linzwi lani libulela mwa mukopano o u inzi ku ona, ni ku utwa likatulo za Mulimu ha li kutazwa, kono ni ku Li hana. Kuwa ko kutuna kuzinzi mwatasi a hao, ili mwandala omutuna o ka kuisa ko libile sinyeho ya Kuyakuile ya hao.

¹⁹³ Linzwi la mezi amañata, kalulo yabune ya butu bwa Hae. Linzwi la mezi amañata. Uka yo eza cwani ha li ñozwi mwa Kanya, haiba linzwi le li ñolwa busihu boo? Linzwi la hao li ñozwi. Milelo ya hao iñozwi. “Mutu mwa nahanela mwa pilu ya hae, kona mwa inezi.” Mulemuhe, linzwi la hao li utwahala hahulu mwa Lihalimu kufita mane. . . Ni talusa, milelo ya hao i utwahala hahulu mwa Lihalimu kufita linzwi la hao mwa lifasi. Kiniti, ku cwalo. Mulimu u ziba milelo ni maikuto a mwa pilu, Wa ziba zateñi kaufela.

¹⁹⁴ Na bulezi ku Mufarisi kuli, “Mina baiipi, mukona kubulela cwani lika zende, kanti buñata bwa ze li mwa pilu kona zo ka bulela mulomo? Mu Ni biza, ‘Muluti, yomunde,’ mi Na ziba,

Na bona hande ka ku kotalima ni kubona kuli u muipi. Ha u talusi cwalo.”

195 Oh, ki sikamañi se si kaba mwa lizazi lani linzwi lani ha li ka luma kuzwa mwa mezi amañata, masika amañata asweli kupangiwa?

196 Cwale Ni bata ku mi buza nto yeñwi. Halu boneñi ni bulele taba yeñwi ku mina sicaba ba ba pilisizwe, halubone ni mi bulelele cwana.

197 Cwale, wena moyo o cimbauka, wena muyambaeli ya cimboka fela wa mubotana yasweli kububela bukaufi ni mukoti wa sibuba wani kwabuse, u tokomele. Ikaba nto ye sabisa ha u ziba kuli hakuna mi kupiliswa kwa hao ka nako yeo cwale. Ha ukoni kupiliswa kanti, u ziba kuli sinyeho ya hao iinzi fapila hao fela. Ha uziba kuli mwa mizuzu fela yelikani u ka utwa Linzwi le li bulela kuli, “Amuzwe ku Na, mina baezi ba zemaswe, mukene mwa mulilo wa kuyakuile o lukiselizwe diabulosi ni mangeloi a hae.” U ka yo ziba ha uka yo utwa sibuba sesituna sani ha si sulula mezi asweli kutuuma mwa manzwi ani a mikopano yani, hausweli ku keshebisa nto ye. Oh, ha ki nto kwa kusabisa ni yeo, ha ki kusabisa ni koo! Mu si ke mwa lumeleza kuli li ezahale ku mina, sicaba. Mubake, mube hande ni Mulimu cwale, ha u sa na ni kolo ya kulukisa litaba.

198 Cwale Ni bata ku mi buza nto yeñwi. Ki nto mañi ye munati hahulu ku mutu ya ziba fa sweli, yainzi hande mwatasi a kota ye tala, hautwa kasa kaka shelauka? Oh! Yeo ki Keleke yeinzi mwa libaka za Mahalimu ni Linzwi la Mulimu lelisweli ku shelauka hamunati ni kuambola ku yena kanti. Mwabona seo sili sona? Ki katulo ku muezalibi, mi ki mbuyoti ku ya pilisizwe. Mutu ya yemimize hande mukolo wa hae ku Licwe Kreste Jesu, mi kipeto u ina fela ni kuteleza, mo akona kupumulela! Kena mwa pumulo yeo.

199 Mo Ni tabelelanga kutaha ko ku buba mezi. Ha lu ya kwa kuyamba kamba sika sifi kaufela, Ni lika kufumananga sibaka ko ku buba mezi, kakuli aka mi katulusa fela. Mu ka autwa inge a bulela busihu kaufela. Oh, mawi!

200 Kana ha ki bunde nji ha ukona kutamelela moyo wa hao ku Kreste, mwa sibaka sa kuli mane wa kutumana fapila Hae? Ni kuutwa Linzwi la Hae ha li bulela ku wena kuli, “Kina Mulena ya ku folisa. Kina Mulena ya kufa Bupilo Bobusafeli. Na ku lata. Ni ku zibile ku si kaba kale mutomo wa lifasi. Ni beile libizo la hao mwa Buka, wena u wa Ka. Si sabi, ki Na. U si ke wa saba, Ni inzi ni wena.” Kipeto Ni opela kuli:

Ni beile moyo waka mwa lihaha la pumulo,
Ha ni sa sila mawate a sabisa hape;
Mandinda a kona ku kasha katata, fahalimwa
buliba;
Kono ku Jesu Ni iketile kuyakuile.

201 Muhupule, ona Linzwi le li swana le li bulela ku wena, li ka yo atula muezalibi. Ona muunda o no pilisize Nuwe, no bulaile muezalibi. Mwabona ze Ni talusa? Ki linzwi la mezi amañata.

202 Mutalime cwale, “Milili inge boya bwa ngu, ni meto sina malimi a mulilo, mahutu inge sipi, ni linzwi la mezi amañata.”

Mi mwa lizoho la bulyo na sweli linaleli ze sebene: . . .

203 “Linaleli se sebene.” Cwale halu ngeni timana ya 20 foo:

Cwale kunutu ya linaleli ze sebene zo boni mwa lizoho laka la bulyo, ni malambi a sebene a gauda. Linaleli ze sebene ki mangeloi a sebene (kamba balumiwa ba sebene, bakutazi baba sebene) ba likeleke ze sebene: mi malambi a sebene o boni ki likeleke ze sebene.

204 Wa mu tolokela zona kuli basike ba yo ba ni mafosisa. Lingeloi kwa lusika ni lusika lwa keleke. Oh, zeo likaba zende, sunda ye, ha lu kutela kwa mulaho mwa litaba za kale ni ku shitula mangeloi ani ni kubona ona bulumiwa bo ne a nani. Nana ni bulumiwa bo buswana. Neli bo bu swana luli ona cwalo kushetumuka mwa lusika lwa nyana lwa Keleke lwani.

205 Nako yeñwi kwa mulaho, yomuñwi na bulezi kuli, “Mwa ziba, keleke ya Katolika, wani ki mubulelelo o munde, wa kuli, ‘Ki yona keleke ya niti kakuli ne iliteni mwahala masika kaufela.’”

206 Se nili, “Yeo ha ki kunutu, hane ina ni muso ni lika zeñwi kaufela mwa mulaho wa yona, mo ne iyemezi ni ku hanyeza mañungwa. Kono kunutu ku na ki mo ne ikonezi ka bunyinyani bwa yona, sicaba nyana fela mo ne si konezi ku hanyeza mañungwa, be ne sahilwe fahali, ni ku nepelwa kwa litau, ni kubeiwa fa mimbeta ya bakuli, ni kuciwa, ni kucisiwa, mane ka litau. . . ni kubulaya lika zeñwi kaufela, mane mo ne ba konezi kulwanisa zeo.” Si bonisa kuli lizoho la Mulimu nelili ni bona. Ku felile. Mane kacenu Liseli la yona li sa tuna. Amen! Eeni, sha!

207 Cwale, “Linaleli ze sebene ze ne li mwa lizoho la Ka la silyo.” Na sweli linaleli ze sebene mwa lizoho la Hae, ili kotalusa bakutazi ba sebene ba masika a sebene. Oh, ki—ki bunde. Mo lu kutezi kwa mulaho ni kufumana mu—mu mukutazi ya na tisize Liñusa kwa keleke ya Efese. Mi mukutazi ya na tisa Liñusa na kumalela ku Lona kuisa lifu, mane ku yo punya ni kwa keleke ya Smurna, ni kwa keleke ya Pergamosi, ni Tiyatira, ni kutaha cwalo mwahala lusika, mane ku to punya ni kwa lusika lo cwale. Bakutazi be ne ba bulukile ni kutisa Liseli, ni ku Li swalelela sina la makalelo kwa simuloho, ni kutisa Liseli ka yena.

208 “Na a sweli mwa lizoho la Hae la bulyo.” Munahane! Lizoho la silyo ha li talusi sina Krete yainzi kwa lizoho la silyo la Mulimu. Ha ku talusi kuli Mulimu una ni lizoho la silyo, kakuli Mulimu ki Moya. Kono Krete nali lizoho la silyo la bulena. Mutu

yo lata hahulu ku luma, mulikani—mulikani ya yema bukaufi ni wena, wa fakaufi hahulu ku wena.

209 Mi, muhupule, linaleli ze sebene nelili mwa lizoho la Hae la silyo. Munahano fela, ne basweli kuhoha mata a bona, Liseli la bona ku Yena. Nebali mwa zamaiso ya Hae ka kutala, mwa lizoho la Hae la silyo. Oh! Mutanga wa niti wa Mulimu kaufela ki nto ye swana. Na sweli mwa . . . Ki mañi yakona ku ba taseza? Ki mañi yakona ku ba taseza? Sina leliñwi la mangeloi mo ne li huwezi kwa mulaho kwani kwa simuluho. Muhupule *lingeloi* a talusa “mulumiwa.” Lu ka kena mwa lika ze tungile zeo kasamulaho nyana mwahala sunda. *Lingeloi* li talusa “mulumiwa.” Mi ki hali, “Ki sikamañi se si ka lu kauhanya kwa lilato la Mulimu leli ku Krete? Ki matuku nji? Kamba manyando? Kamba mapunu? Kamba lilumo? Kamba lifu? Ni hapelelwa” kubulela Paulusi, “kuli hakuna se si ka lu kauhanya kwa lalato la Mulimu le li ku Krete,” kakuli lu ipeile ka kutala kwa lizoho la Hae la silyo.

210 Yomuñwi uli, “Mupikuluhi ya kenile! Mupikuluhi ya kenile!” Zeo ha li ni katazi ni hanyinyani. “Wena u mufitelezi wa tumelo!” Mane ha u li utwi. Ba ipeile ka kutala mi ba sweli kuzusa Bupilo bwa bona kwa lizoho la Hae la silyo la bulena, ba bonisa Liseli la Hae mwa kuishuwa, ni sishemo, ni musa, ni tubelelo; lisupo, ni ze komokisa, ni limakazo. Mutuhele lifasi li Li bize kuli “buloi,” kaufela ze ba bata kueza, ha li ezi ka kushutana, kakuli lu ziba kuli lu ipeile ni mwa lizoho la Hae la silyo. Kana ha ki nto yende yeo? Mawi!

211 Cwale ha lu akufeni, kakuli ha lu lati ku mi katalisa. “Mwa lizoho la Hae la silyo, linaleli ze sebene.”

212 Cwale ponahazo ya busebeni mi ya mafelelezo ya butu bwa Hae:

. . . *mi mwa mulomo wa hae kuzwa mukwale o lozizwe kafa ni kafa: . . .*

Ni talusa, yeo ki ya bu silezi.

. . . *mwa mulomo wa hae kuzwa mukwale o lozizwe kafa ni kafa: . . .*

213 Cwale, Linzwi la mezi amañata, mi mwa mulomo wa Hae . . . Mwa lizoho la Hae la silyo Na sweli linalelo.

. . . *mi mwa mulomo wa hae kuzwa mukwale o lozizwe kafa ni kafa: . . .*

214 Cwale, kana mwa ziba mukwale o lozizwe kafa ni kafa wa Bible kuli kiñi? Ha lu li swaleni kuli mu zibe. Lunge Maheberu 4:2, kwa mulaho nyana mwendi ki likepe kamba amabeli kipeto mwa ifumana, mwabona. Maheberu ki mwa mulaho fela wa Sinulo fa; Juda, mi mutaha mwa Maheberu. Cwale, ha mu fumane kapili cwale. Kamba . . . Maheberu, kauhanyo ya 4 ya Maheberu, ki luna ba faa. Ku lukile, Maheberu kauhanyo ya 4 ni timana ya 12:

Kakuli linzwi la Mulimu ki le li pila, mi li na ni mata, kwa buhali lifita lilumo le li lozizwe kafa ni kafa, mi li punya ku yo fita kwa makauhanelo a moyo ni pilu, ni kwa makopanelo a masapo ni mooko, mi lina ni bubebe mwa kuatula maikuto ni mihupulo ya mwa pilu.

215 Mi kipeto ba mi bize kuli “mubali wa minahano.” Ki Linzwi la Mulimu le li bonahalezi mwa Keleke ya Hae! Li buhali kufita mukwale o lozizwe kafa ni kafa. Lu bulele kuli, Ni nahanile fela nto yeñwi foo. Ha ni zibi kamba Ni liñezi leo Liño- . . . Munge Sinulo 19, fa muzuzu fela. Ha lu ingeni hape, Na sepa ki yona. Na mwendi . . . Sinulo 19, ki fa 11:

Mi Na bona Mahalimu a kwaluha, mi na bona pizi ye sweu; . . . (Ki fa kutaha busweu hape, katulo.) . . . mi ya ipahami na bizwa Yalukile ni ya Sepahala, mi uatula ka kuluka . . . ni kulwana. (Mwa ziba kuli ki mañi yoo, nji cwani? Ku lukile.)

Meto a hae neli . . . neli malimi a mulilo, . . . (Neli yena Mañi?) . . . mi kwa toho ya hae nekuna ni . . . mabona; . . . (Uh-oh. U tile mwa mubuso wa cwale.) . . . mi nana ni . . . mi—mi una ni libizo le liñozwi, la sa zibi mutu, konji . . . yena.

Mi na apezi ze sweu ni sapalo se si cimbekilwe mwa mali: mi libizo la hae Ki Linzwi la Mulimu.

216 Kiñi ze ne zwa mwa mulomo wa Hae? Nekuzwa sikamañi? Mupahami wa pizi yesweu. Mi Sinulo, hape, 7, haku . . . Ni lumela ki 8. Pizi yesweu . . . batili, ki 6. Ha ku ya mupahami wa pizi yesweu, A fiwa bu—bu buta, ku yo koma ni ku koma.

217 Mi mwa mulomo wa Hae nekuzwa mukwale. Na sikamañi? Neli mupahami wa pizi yesweu wa Sinulo. Mulemuhe mukwale. “Mwa mulomo wa Hae ne kuzwa mukwale o lozizwe kafa ni kafa,” ili Linzwi. Mi, mafelelezo, ka Linzwi la Hae, ha Li se li bonahalile kwa bana ba Mulimu kaufela, Uka hatikela linaha kaufela ka Linzwi la Hae, ka ona mukwale o buhali woo. Mutalime fa se si ezahalile, halunze lu fita ku sona:

Mi . . . lizoho la hae la silyo . . . mi mwa mulomo wa hae nekuzwa mukwale o lozizwe kafa ni kafa: mi sifateho sa hae sa swana sina lizazi hali benya ka mata a lona.

218 “Mukwale o lozizwe kafa ni kafa.” Kiñi se ne si zwa mwa mulomo wa mutu yoo? Ki Linzwi la Mulimu. Ki mukwale o lozizwe kafa ni kafa. No eza sikamañi? No sweli kulemuha milelo ya mwa pilu, ili maikuto; liya kukena mane ni mwa nama, mwa mubili, ni mwa bupilo bwa mali, kukena mwa masapo, ku yo punya kwa mooko ni masapo, kufitelela kafoo kaufela, mane li lemuha maikuto ni milelo ya mwa pilu. Kona mo li ezezanga Linzwi la Mulimu cwalo.

219 “Mi Linzwi la ezwa nama mi la to yaha ku luna.” Mi cwale Linzwi li ezizwe nama mwa Keleke ya Hae, ya pila mwahala luna. Mangeloi a Hae mwa lizoho la Hae, inza sebeza. Mulimu utingile fa Keleke ya Hae. Mulimu utitingile ku luna ba lusika lo ku tisa Liseli la Evangeli kwa lifasi le lishwa, le li tamilwe ka buhedeni, lifasi la sizo. Mulimu u beile mutiyo ku na ni ku mina. Bumai ki bwa luna haiba bahedeni ba shwa ba si ka ziba. Oh, ba zwezi pili ni za kubala, kuñola, ni lipalo, ni mapampili nyana a libuka za bulapeli, mi hakuna zeñwi ze ba ezize kwanda sishañata sa ba proselyte. Ni talusa Evangeli! Evangeli ha ki Linzwi feela. Paulusi na bulezi cwalo. Paulusi naize, “Evangeli ha isika taha ku luna ka Linzwi feela, kono ki lona Linzwi le li bonahalile lani.” Mi cwale Linzwi, ka Moya o Kenile, li . . . Linzwi li caliwa mwa pilu yena ni Moya o Kenile ni kutahisa seo Linzwi Li ka eza. Mi Linzwi la kona kulemuha milelo ya mwa pilu! Kanya! Oh, mawi! Oh! Li lemuha milelo ni maikuto a mwa pilu, Linzwi kona leli eza cwalo.

220 Lizwa mwa mulomo wa Hae, ki mukwale o lozizwe kafa ni kafa, li zusa bahedeni. Kuna ni se si na ni kuezahala leliñwi la mazazi aa. Eeni! Ki Linzwi la Mulimu, Libizo la Hae neli Linzwi la Mulimu, ki Linzwi le li bonahalile. Mutalime, Jesu naize, “Muye mwa lifasi kaufela,” Mareka 16, mulaezo wa Hae wa mafelelezo kwa keleke Asika kuta kale ku yo I patulula ili Yena mwa lusika lwa keleke. A luma Keleke, “Muye mwa lifasi kaufela mi mukutaze Evangeli kwa libupiwa kaufela.” Sikamañi? Mukutaze Evangeli. Mareka 16, “Mukutaze Evangeli kwa libupiwa kaufela.” Ki sikamañi seo? Ka manzwi amañwi, “mubonahalise mata a Moya o Kenile,” nelina ni kuba cwalo.

221 Cwale mutalime, “ili kaufela . . .” Ha ki kuluta fela Linzwi; Na si ka bulela kuli, “Muye mulute Linzwi.” U bulezi kuli, “Muye mu kutaze Evangeli.” Isiñi ku luta Linzwi, mukutaze Evangeli. “Mi lisupo ze li ka ba latelela baba lumela Evangeli yee; ka Libizo la Ka ba ka leleka mioya ye maswe, ba ka bubela ka malimi amanca, ha ba ka swala linoha kamba kunwa sifanu zeo halina ku batiseza kozi; ha ba ka beya mazoho ku ba bakula, bao ba ka foliswa.”

222 “Mi ki ha baya cwalo,” kubulela Mañolo, “inge ba kutaza kwa libaka kaufela; Mulena inza beleka ni bona, inza paka Linzwi ka lisupo ze ba latelela.” Yeo kona Evangeli, ki Evangeli ye iponahaza.

223 Lisupo ze li ka latelela ba bakai? Kuisa kwa mafelelezo a lifasi, kwa lusika lufi kaufela. Ki sani sicaba nyana foo se si taha si shetumuka, inza swalelezi Liseli lani. Ki kabakaleo Jesu ha naize, “Musike mwa saba, mina mutapi o munyinyani, ki tato ya Ndata mina kuli amife Mubuso.” Mutapi o munyinyani; ki ba banyinyani kamita, isiñi ba bañata.

224 Ku lukile, cwale pulelo iliñwi feela. Mi lu talimile ku ya 20, cwale ha luboneñi cwale fa timana ye fa. Cwale ya 16:

Mi mwa lizoho la hae la silyo na sweli linaleli ze sebene: . . .

225 Cwale ha lu ngeni ya . . . ni ya . . . sifateho sa Hae:

. . . mwa mulomo wa hae kuzwa mukwale o lozizwe kafa ni kafa: mi sifateho sa hae ne si swana sina lizazi ha li benya mwa mata a lona.

226 Ha mu ka apula mwa . . . halu boneñi, Mateu 17. Ha lu ingeni fela ona fa haluli ku yona; kuli lufitelele fela ku yona, mi buñata bwa sicaba se si sweli kuñola, halu . . . kamba ku ñola, lu ka bata fela kuli ba bale kuli lu zibe.

227 Mateu 17, ku lukile:

. . . hakufelile mazazi a silezi Jesu aya ni Pitrosi, Jakobo, ni Joani . . . fa lilundu le li telele ba nosi,

Mi a fetuha fapila bona: mi sifateho sa hae sa benya inge lizazi, mi sapalo sa hae neli se si sweu sina liseli.

228 Na fetuhile. Ki sikamañi sa Na ezize? Aikenya mwa ku fetulwa, akena mwa lizazi la kutaha kwa Hae. Cwale amutalime, liholo nyana feela ku si ka ezahala kale zeo, Jesu na bulezi manzwi a cwana mwa kauhanyo yetatama, “Kaniti Ni li ku mina, nili babañwi baba yemi mo . . .” Ki ba bakai baba zuba ze Ni ka bulela? “Babañwi baba yemi mo habana ku timela, habana kushwa, konji ba bone Mwana mutu ha taha mwa Kanya.” Kana ku cwalo? Mi Aya ni Pitrosi, Jakobo, ni Joani, lipaki zetaalu, kakuil mwa Testamente ya Kale lika kaufela, linzwi lifi kaufela, ne li tomahanyiwa ka lipaki zetaalu, mi a kambama lilundu ni bona.

229 Mulemuhe se si taha pili. Oh, Ha ni koni fela kuyemela fa, Ni lukela fela kubulela se. Amutalime! Ki nto mañi yapili yene ba boni? Ba nga Jesu ba kambama lilundu . . . kamba ki Yena yana ba bizize ba kambama hamho, mi A fetuha fapila bona, a fetulwa. Sapalo sa Hae sa benya sina lizazi mwa mata a lona, mi kwa bonahala ku Yena Mushe ni Elia. Ki mufuta mañi wat ha ka ona Mwana mutu cwale? Mi pili, ha ka bonahala, ikaba Mushe ni Elia.

230 Cwale, mulemuhe, Jesu asika kuta kale mwa lifasi . . . Cwale, se ki kuitahanela nyana, kono Moya wa Elia uka kuta mwa lifasi ku to kutiseza lipilu za bana kwa bashemi. Bibeke ibulezi ona cwalo. Jesu na mu boni, baapositola ba mu bona fa, mulao wa kutaha kwa Mwana mutu ya filwe kanya. Una ni kufiwa kanya ni kukuta. Taba yapili, ba si ka Mu bona kale, neli sikamañi? Elia. Mi kwataha mañi? Mushe; Isilaele ukutela mwabuse, babuluki ba mulao. Mi cwale Mwana mutu ya filwe kanya. Haleluya! Kana mwa bona mulao wa kutaha kwa Hae? Ki Moya wa Elia, kamba

ki bupaki bwa keleke ya lusika lwa mafelelezo. Mwabona, ba taha mwa mwa mata ku to Mu bonahalisa.

231 Mi kutaha Majuda baba handeleti ni fofe foo sauzande ku to kopanela fa Lilundu la Sinai, ko Isilaele se ibile naha ku yona; kin aha ya kale hahulu mwa lifasi, kona ndembela ya kale hahulu mwa lifasi; bana ni naha ya bona, ndembela ya bona luli, mpi ya bona luli, masheleñi a bona luli, ni lika zeñwi kaufela. Ki ma membala ba linaha ze swalani kakuli se bali naha ni bona. Jesu na bulezi kuli habana ku tobphiwa konji kutalelezwa kwa lika kaufela.

232 Ki kunutu kuli sikwata sa Majuda bani, bene ba nyandiswa kai ni kai, mi ba lelekwa, ni ku latelwa kwande, inge Keleke ya mwahala masika a mo ikashelizwe kwande, mi kanti Jesu naize, “Ha mu ka bona kota ya feiga inge itubula, naha yani ha ikutela hape, nako ifa kaufi, mane u fa munyako. Kaniti Ni li ku mina, Lusika lo haluna kufela kufitela zeo kaufela li talelezwa.” Kuhoha kwa . . . Sicaba se hasina kushwa. Hitler alika ku ba bulaya, Mussolini a lika ku ba bulaya, Stalin alika ku ba bulaya, mañi ni mañi kaufela, kono hakuna kuba ni ya ka swabiswa, kamba kuyunda mwa lifasi, ikaba sicaba ni linaha ze yemi mwabuse. Amen!

233 Ku ka taha bo Mushe ni Elia. Oh! Ni sepa mwa li utwa.

234 Ku lukile, “Lizazi le li benya mwa mata a lona,” Sifateho sa hae, sa cinca, sa fetuha. Cwale nto yeñwi, mwa Sinulo 21:23, haiba mubata ku li ñola. Mwa Jerusalema Yomunca, 21:23, Ki yena Ngunyana mwa Munzi, lani kona Liseli lateni, le li benya; kakuli ha ba tokwi liseli kaufela mwa Munzi wani, lizazi halina kupazula ku ona, kakuli Ngunyana yali mwa Munzi ki yena yakaba Liseli la ona. Mi linaha ze pilisizwe li ka zamaya mwa Liseli la Ngunyana! Amen! Ki yena Liseli la Ngunyana. Oh, ha mu tabeli ka zeo?

235 Ha ki seo fela, kono Yena hape, mwa kutaha (Joani a Mu bona mwa lizazi la Mulena), ili Lizazi la kuluka. Halu yeni mwa Malaki. Malaki, mupolofita wa mafelelezo wa Testamente ya Kale. Malaki, kauhanyo ya 4.

236 Nina ni likande nyana la kubulela ka musala ka yomunde yainzi kwa mulaho kwani. Ne ni mu file nako yetata lu si ka nyalana kale, Ni likile ku li kondisa ha se lu nyalani. Mi ne Ni sa zibi haiba Ne niabela kunyala hape kamba nee, mi kipeto a ikutwa bumaswe luli. Mi ne Ni hupula kuli neli musizana yomunde hahulu kuli umu siye fela aikele, mwendi muuna yomuñwi yomunde ainyalele yena yaka mu babalela. Mane Ne ni hupula kuli Ne ni sa mu swaneli; mi ha Ni swaneli, bakeñisa sishemo sa hae, ni cwalo. Kacwalo a bilaela maswe maswe mi na sa zibi sa kuezwa. Nto ye seli myaha kwa mulaho, seli myaha ye mashumi amabeli kwa mulaho. A bilaela hahulu hulu, akala kulila musihali ni busihu. Mi ne Ni lika kuikambusa ku yena,

isiñi kuli ne Ni sa mulati, kakuli Ne ni sa lati ku mu sinyeza nako ya hae; kakuli, ha ipumanele usili, mutu yomuñwi yomunde, kakuli ki musizana yomunde hahulu kuli aitulele fela ona cwalo, mi na na anga . . . kuli ni zamaye fela ni yena ni lika ze cwalo. Mi Na—Na hupula kuli na ni lata, mi ne Ni ziba kuli Ne ni mu lata. Kona kuli Na hupula kuli, “Kihande, Ni ka lika fela ku . . . Ni ka ipumanela musizana yomuñwi ni zamaye ni yena, ni kuli yena ani nyemele luli.” Ne ni batile ku mu bulaya cwalo, Ne ni ikutwile bumaswe kasamulaho; a lobeha hahulu pilu. Na mu bulelela, Se nili, “Wena u musizana yomunde hahulu, Na—Na ha ni lati ku ku sinyeza nako ya hao ona cwalo.”

²³⁷ Mi ki hali, “Kono Na—Na *ku* lata, Bill, mi ki yena fela ye Ni kona kulata.” Ali, “Na—Na ni kulatile linako ze kaufela.”

Se nili, “Na—Na itumela ka seo. Kono,” Se nili, “wa ziba,” Se nili, “Ni ikutwa bulutu.” Se nili, “Ni—Ni ka pila fela ona cwalo ni bulutu bwaka. Mwabona, Ha—Ha nina kunyala fateni hape.”

²³⁸ Mi na katazehile hahulu ka zona, mwa ziba, mwanana wa mubotana yani. Mi ki ha ya mwa—mwa muluti. Mi azwela kwande kwani, mi a wa ka mañwele, mi a bulela kuli, “Mulena, Ha ni zibi sa kuezwa. Ha—Ha ni lati ku sa Ku utwela, kono he Na mu lata Bill, mi ha Ni zibi sa kuezwa. Mulena, kana Uka ni ombaomba kwateni neba hanyinyani fela? Kana Uka ni tusa neba hanyinyani fela? Nali kuba ni Ku kupe nto ye fateni mwa bupilo bwaka, Mulena, mi Ni sepa kuli ha Ni na ku Ku kupa zeo hape,” mi ali, “kono haiba Uka ni tusa fela, mi ni apule fela Bible ye, mi U ni fe Liñolo. Ni utwile batu ha ba bulela kuli U ezize cwalo.” Mi ha to iapula, neli Malaki 4:

Amubone, Ni mi fa . . . kamba ni ka mi lumela Elia mupolofita kale—kale kusika taha kale lizazi lelisabisa la MULENA:

²³⁹ Mi ali, “Na nanuha fani inge ni ikutwa kuli lu ka nyalana kupale kumane.” Mwabona?

Kakuli, amubone, lizazi la taha, le li ka cisa sina ondo; mi baikuhumusi kaufela, mane, . . . kaufela ni nyangela ye eza bumaswe, ba ka ba sina matakala: mi lizazi le li taha li ka ba ciseleza, kubulela MULENA wa limpi, kusike kwa siyala ku bona mubisi kamba mutai.

Kono haili mina baba sab alibi laka . . . Lizazi lika (L-i-z-a-z-i) mu ka pazulelwa ki Lizazi la kuluka le li folisa mwa mafufa a lona; . . .

²⁴⁰ “Lizazi le li benya ka mata a lona.” Oh! Ki mata a Mwana a Mulimu mwahala luna busihu boo. Inza yemi mwahala malambi a gaunda a sebene mwa butu bwa likalulo ze sebene za Hae fa sina muatuli. Sina Ya nyandile ni ya shwezi luna, ni kuikungela katulo ya Bumulimu fahalimwa Hae, mi u hatikezi silubelo sa veine, ya mabifi a buhali bwa Mulimu. Ku muezalibi Ki mwandala o sabisa, ku wena wa moyo o cimbauka fela mwa

liwate la bupilo. Mi kwa Keleke, ki Mupulusi yomunde, lu swalelezi kwa pumulo, ni mu utwa mezi a shelauka a sibuba hamu lobezi ka kupetahala ku Kreste. Ki nako ye cwani! U benya fahalimwa luna ni mamonyi a Hae a futumala, “Usike wa saba, Kina ya Na liteni, ya liteni, ni ya sa taha. Kina Yamata kaufela, kwanda a Ka hakuna usili. Kina zepeli Alfa ni Omega, mi Ni ka fa ku ya nyolezwi kaufela sibuba sa mezi a Bupilo kusina tifo.” Oh, ki sepiso ye cwani mi ki kutwani yecwani ya lilato! Mi Ngunyana mwahala Munzi o sa tokwi liseli, mi ki Yena Lizazi la kuluka ni foliso mwa mafufa a Hae.

Ki yena Palisa ya mwa Musindi, ki Naleli ye
Benya ya Kakusasana,
Ki yena yomunde hahulu mwahala baba
likitikiti kwa moyo waka.

Mwa manyando ki Yena mbombolelwa yaka,
mwa butata ki Yena buiketo bwa ka,
U ni bulelela kuli ni Mu fe matata aka kaufela.
Haleluya!

Ki yena Palisa ya mwa Musindi, Naleli ye
Benya ya Kakusasana,
Ki yena yomunde hahulu mwahala mashumi a
likitikiti kwa moyo wa ka.

²⁴¹ Eeni, sha! Oh, ona Naleli yetuna ya Kakusasana hanze ipazula kuli imonyehe, inze ibulela kuli kutaha lizazi, ya zibahalisa, ili, “Lizazi li fa kaufi ni kupazula, Mwana wa taha sa li bukafu,” mi Wa ipeya Iliyena fa lukela kuba kwa mulaho wa linaleli zeñwi kuufela (Oh, mawi.) ni foliso mwa mafufa a Hae.

²⁴² Cwale lu kutele kwa liñusa la luna. Mi lwa kwala cwale, kuli lu itukiseze za kamuso busihu, kakuli nako seli mizuzu ye fifitini kuli naini ikwane, ha lu lati ku buluka mañi wa mina kaufela nako yetelele hahulu, kuli lukone fela kuba mo.

²⁴³ Ku lukile, Lizazi la kuluka ni foliso mwa mafufa a Hae. Cwale sifateho sa Hae. Na lu muatuli, kamba nto yeñwi kubonisa kuli na li mwa lizazi la Mulena. Mwa lumela cwalo? Na keni mwa lizazi la Mulena mi abona Mulena sina muatuli; isiñi ka kuba muprisita, isiñi ka kuba mulena, kono ka kuba muatuli. Yena ki Muatuli. Kana ha mu lumeli? Bibebe ibulela kuli Ki Muatuli. Mi fa Na apezi sina Muatuli, inza bonisa Sa ezize; sa Na li sona: sa Na li sona ku muezalibi, sa Na li sona ku Mukreste. Mi ki Yo fa uyemi ni linzwi la mezi amañata, mi pata ya Hae ya swana sina lizazi ha li benya ka mata a lona.

²⁴⁴ Cwale ki zeo linepo, timana ya 16. “Mi. . .” Batili, Mu ni swalele, ki timana ya 17:

Mi ha Ni Mu bona, Na wela kwa mahutu a hae inge ya shwile. . .

245 Mawi! Mupolofita na palezwi kuyena, mubone pono yeo. Na—Na ti lo felelwa fela ki mata, mi a wela kwa mahutu a Hae sina mutu ya shwile. Cwale mutalime:

. . . Mi a ni beya lizoho la silyo, mi ali ku na, Usike wa saba; Kina wa pili ni wa mafelelezo:

246 Oh, mawi! Ha ki mupolofita, Mulimu! “Kina wa pili ni wa mafelelezo. Kina wa pili kwa Sinulo, wa mafelelezo kwa Sinulo. Kina ya Na liteni, Kina Ya liteni, Kina ya Sa taha.” Halu boneñi:

Kina . . . Ya . . .

. . . Mi a ni beya lizoho, mi ali ku na, Usike wa saba; Kina wa pili ni wa mafelelezo:

Kina ya pila, mi ne ni shwile; mi, bona, Na pila kuyakuile, (Ona fa cwale. Mi cwale a huwa:) Amen; mi nina ni linotolo za lihele ni . . . lifu.

247 Cwale, usike wa saba. Kiñi ha lu sa lukeli kusaba? Kiñi Keleke ha ipalelwa kubuluka za Hae. . . kuli inahane Linzwi la Hae? Ha lu yemeleñi fa ka muzuzu fela, kakuli lwa kwala. Kiñi Keleke ye zeikona ku sabela? Ki sikamañi Sa sepisa Sa si ka taleleza kale fapila luna? Kiñi ha mukona kusaba koto ye sa taha? “Musike mwa saba! Kina ya Na liteni, Ya liteni, mi ni ya sa taha. Kina wa pili ni wa mafelelezo. Nina ni linotolo za lihele ni lifu ki ze faa.” Kiñi? “Ni komile mi ni tuzi bubeli bwa lihele ni lifu (Zeo ki zepeli za libita ni lihele; lifu kasibili, lihele kasibili.) la hao. Ni li komile kaufela zona. Ni komile lihele, lifu, libita.” Ha Na li fa lifasi, Na li yena anosi feela yomut- . . .

248 Batu ba bañata ba yemezi ku koma. Kana mwa ziba cwalo? Napoleon na yemezi ku koma lifasi, mi Akoma ka lilimo ze mashumi amalalu ni zetaalu za kupepwa kwa hae. Fa myaha ye lishumi ka ye supile kuisa fa mashumi amabeli, Napoleon nali muhanisi wa litaba, na sa lumeli mwa kunwa sika kaufela. Naile kwa France. Na si mutu wa mu French, na zwile kwa sooli, naile kwani ku yo ba ni France kakuli na sa itabeli, na sa tabeli France. Kono na komilwe. Mi a zwela kwateni ayo koma France, mi anga baana ba ma French bani ni kukoma lifasi. Mi fa siyemo sa myaha ye mashumi amalalu aina fafasi mi a lila kakuli nekusina yomuñwi wa ku koma hape, mi ashwa ali cacolwa. A komiwa, na palezwi nihaiba ku ikoma ili yena. Mwabona? Mi cwale akopana ni kangisano ya hae kwa Waterloo, a katana mafelelezo a hae kwa Waterloo. Ni bile kwateni mi ni boni lisupo za kale ze siyezi ni lika zeñwi kwani, ha na li mwa sibaka sani. Cwale, lunga mukomi yani, akala sina mucaha mi aya ka nzila ye fosahalile za kukoma ka yona, mi a shwa, ka maswabisa.

249 Kono nekuna ni Muuna yomuñwi yana tile mwa lifasi nako yeñwi. Na shwile ka lilimo ze mashumi amalalu ni zetaalu mi A koma lika kaufela ze ne lukela ku komiwa. Ha Na li mwa lifasi A koma maikuto, muikuhumuso, A koma matuku, A koma mioya ye maswe. Mi ha Na shwile, A koma lifu. Mi Ha to zuha,

A koma lihele. A pahama mi a koma lika kaufela ze ne lwanisa batu ni ku hatikela silubelo sa veine. . . silubelo sa veine ya Mulimu ni ku si hatikela ni ku koma lifu, lihele, libita, matuku, za kuinkabeka, lika zeñwi kaufela, ni ku li koma kaufela zona, mi a zuha ka lizazi la bulalu ni ku koma libaka kaufela za mwa mahalimu, ni kupumahanya mbundu yani yeneli mwahala Mulimu ni mutu, mi a tamahanya Lihalimu ni lifasi hamoho. Kanya! Oh, mawi! Whew!

²⁵⁰ Ki Yani uyemi fani Mukomi Yamata kuzwa Ha kile apazula lisila fahali, ki Yani fani. Una ni linotolo za lifu ni lihele ze lepelela fa noka ya Ka, “Usike wa saba.” Abeya lizoho la Hae la bulyo (bulena bwa Hae) fahalimwa hae, mi a mu zusa ka mata a lizoho la Hae la bulyo, ali, “Usike wa saba, Kina ya Na liteni, ni Ya liteni, ni ya sa taha. Kina wa pili ni wa mafelelezo. Ki na Ya na pila, mi ne ni shwile, mi na pila kuyakuile. Amen!” Oh!

Amubone! Amubone mukomi yamata kaufela,
Amubone! Amu Mubone ka kubonahala
hande,
Ki Yani uyemi fani, mukomi yamata kaufela,
Kuzwa Ha pazula lisila fahali.

²⁵¹ Amen! Kupumaka ze tibela kaufela kwa batu kaufela, kuli bakone kutamahana sina simu ya Edeni. Cwale, mutu. . . Ne ni ka si tibela, kono Ni ka si bulela. Mutu una ni mata. Ha u lumeli cwalo, kono lli teñi. Mutu ya ipile ka kutala hande ku Mulimu una ni mata. Kana Na si ka bulela, mwa Mareka 11:22, “Kaufela se mu ka bulela, mi mu sa kakanyi mwa pilub ya mina, li ka ezahala. Mwa kona ku ba ni ze mu bulela”?

²⁵² Ki sikamañi se si ezahala haiba mata amabeli a kopana? Foo Mulimu ni mutu ha ba taha hamoho, mata amabeli, sesiñwi si ka nyungana. Babañwi- . . . Kaufela se mu bulela ka mata a kona kubupa lika a Mulimu, ka kuziba kuli U li sepisize, mi U li bulezi mwa Linzwi la Hae, li bupa mata aya fahule ni kutisa lika kuli li ezahale, lika ze si yo, za eza, inge kuli liteñi, kakuli mata amabeli a kopani. Ki Yani u yemi fani! Oh, ha Ki yomunde nji!

²⁵³ Ha lu boneñi haiba luna ni lika zende hape. Timana ya 18, cwale timana ya 19. Joani; ki sikamañi se ne si ezahalile Ha bona sifateho sa hae? Linepo licwani? A wela kwa mahutu a Hae; na palezwi ku yema, bupilo bwa hae bwa butu ne bu swana sina bo bu hamulehile mwateni, na palelwa ku li eza. Na li mukomi, Na sa komile kale.

²⁵⁴ Cwale U fa taelo, mi cwale lu kala kufeza kauhanyo, timana ya 19 ye:

*Uñole lika zo boni, ni lika ze liteni, ni lika ze sa taha
kasamulaho;*

²⁵⁵ Lu ngile timana ya 20:

Kunutu ya linaleli ze sebene zo boni mwa lizoho la bulyo, . . .ki malambi a sebene a gauda. Linaleli ze sebene ki mangeloi a sebene kwa likeleke ze sebene: mi malambi a sebene o boni ki likeleke ze sebene.

²⁵⁶ Oh! Ki kulula moya, mulikani. Ku Mu bona inza yemi fani mwa butuna . . .butuna bwa Bulimu bwa Hae. Ki yena Muatuli, ki Muprisita, ki Mulena, ki Mbande, ki Ngunyana, ki Tau, ki Alfa, ki Omega, ki Ndate, Mwana, Moya o Kenile; Ya na liteni, ya liteni, ni ya sa taha. A hatikela silubelo sa veine ya buhali bwa mabifi a Mulimu, ni kutabisa lika kaufela, kufitela Mulimu abulela fa sifapahano . . .Ha Na zuhile, A bulela kuli, “Ku felile!” Za tabisa Mulimu, mane kufitela Moya o no Mu siile ha u kutela ku yena ka la Zuho kakusasana mi wa Mu nanula ni ku Mu zusa hape kwa kubeiwa baba lukile.

²⁵⁷ Kwani Joani a talima mwahalimu mi a Mu bona inza yemi fani ni mahutu a sipi, meto sina malimi a mulilo asweli ku laita kai ni kai mwa lifasi. Daniele na Mu boni myaha ye mianda ye sebene isika taha kale, mwa sibaka se si swana, ki mufuta o swana, muuna ya swana uyemi fani, Yomuhulu ya atezwi ki mazazi, mi yomuñwi yaswana sina Mwana mututu ya na li ni Yena, mi katulo kaufela ne ifilwe ku Yena, inza yemi fa Lubona Lolusweu lwa Katulo.

²⁵⁸ Ka kubona lika zee, ki mufuta o cwani wa batu bo lu lukela kuba bona, balikani? Mulimu ami fuyole kona tapelo yaka. Mwabona? Kana mwa Mu lata? Kana mwa Mu lumela? Kana mu beile moyo wa mina ku Yena?

²⁵⁹ Ha lu inamiseñi litho za luna fa nako nyana.

²⁶⁰ Ka kukuza fela ni ka bunolo, halunze lu ka opela ka kukuza, *Ni Beile Moyo Waka Mwa Lihaha La Pumulo*, “Ha ni na ku utwa libuba za mezi a ka kasheza moya waka kwahule, kono Ni ka bulela kozo ye munati kwa moyo wa ka.” Ka kukuza cwale, ka likute, mañi ni mañi.

Ni beile moyo waka mwa lihaha la pumulo,
Ha ni sa sila liwate le lisabisa;
Mandinda a kona kukasha fa liwate, leli
tungile,
Ku Jesu Ni iketile kuyakuile.

Ni beile moyo waka mwa lihaha la pumulo,
Ha ni sa sila liwate le lisabisa;
Mandinda a kona kukasha fa liwate, leli
tungile,
Ku Jesu Ni iketile kuyakuile.

Libenye kuna, (Tuhela liseli la Kanya, Mulena,)
Mulena, libenye ku na,
Tuhela Liseli le lizwa kwa ndu ya maseli
libenye ku na;

Oh, libenye ku na, Mulena, libenye ku na, (Ha
lu nanuleñi mazoho a luna ku Yena.)

Tuhela Liseli le lizwa kwa ndu ya maseli
libenye ku na.

Ku ba inge Jesu, (Eehe, Mulena.) ku ba inge
Jesu,

Mwa lifasi Ni lakaza kuba inge Yena;

Mwa musipili kaufela wa lifasi kuya kwa
Kanya,

Ni kupa fela kuba inge Yena.

[Muzwale Branham ukala kuñuñuna makutelo a pina—Mu.]

. . . O Mupulusi yomunde,

Mwa lifasi Ni lakaza kuba inge Yena;

Mwa musipili kaufela wa lifasi kuya kwa
Kanya,

²⁶¹ Kikuli utabela kuba ni Bupilo bwa Hae inge bupila ku wena,
bunze bu bonisa Pata ya Hae? Haiba ubata cwalo, mi wa li
kuba u be ni bona haisali, yema halinze lu lapela? Baba lata ku
huhupulwa mwa tapelo. Mulimu ami fuyole.

Kuzwa mwa sicelo sa mwa Betelehema. . .

(Muyeme fela ona cwalo cwale, muyeme
fela ona cwalo. . .) . . . kwa zwa Muzamai,

(Mukaba muzamai kwa lifasi.)

Mwa lifasi Ni lakaza kuba inge Yena;

Mwa musipili kaufela wa lifasi kuya kwa
Kanya,

Ni kupa fela kuba inge Yena.

Kuba fela inge Jesu, kuba inge Je- . . . (Yeo kona
takazo yaka.)

Mwa lifasi Ni lakaza kuba inge Yena;

Mwa musipili kaufela wa lifasi kuya kwa
Kanya,

Ni kupa fela kuba inge Yena.

[Muzwale ukala kuñuñuna makutelo a pina—Mu.]

. . . kuishuwa, kuikokobeza ni kuishuwa.

²⁶² Cwale, Ndate yakwa Lihalimu, ba yemi ka mahutu a bona
buñata luli babata ku Ku amuhela. Ba katezi ku yembana kafa
ni kafa, kusina kuziba ko ba ya, kwande fa mandana a bupilo;
mi ba ziba kuli mwendi li si kapazula kale pilu yakona kutuhela
kunata, mi kipeto sibuba sesituna, sa suluha, fapila bona, ona
moyo o yembana. Ba bile sina bona bañi, babile sina lifasi, kono
ba tabela kuba inge Wena cwale, Mulena. Ba amuhele mwa
Mubuso wa Hao, ki ba Hao, Ndate, kakuli U ziba lipilu za bona
ni milelo ya lipilu za bona. Mi mane U li ñozi, mi u li bulezi ka
milomo ya Hao kuli, “Ya lumela Manzwi a Ka, mi a lumela ku
Ya Ni lumile, una ni Bupilo Bobusafeli.” U bulezi hape, Mulena

kuli, “U fuyozwi ya bala ni baba utwa manzwi a bupolofita bwa Buka ye, kakuli nako ifa kaufi.” Ba lemuha kuli nako ifa kaufi. Ha ba sa yembana ni hanyinyani, Mulena. Cimbeka kashuto ka bupilo, ba hohele ku Wena, Mulena. Ha ba zwe mo busihu boo, inge ba monyeha Liseli la Jesu Kreste. Ni ba beya ku Wena, Mulimu Ndate, ka Libizo la Jesu Kreste. Mi ka kuikokobeza ba latelele Mulena mwa kolobezo mo mwa keleke; ba apael Moya o Kenile mwa bupilo bwa bona ili kuli ba koine kuba inge Jesu mwa mazazi a bona kaufela. Lwa kupa ka Libizo la Hae.

Kuba fela inge Jesu, kuba inge . . .

²⁶³ Babañwi ba mina ba ba yemi kamba baba inzi fakaufi ni sicaba seo, babali Bakreste, ba otolole mazoho a bona mi ba swale mutu mwa lizoho. Mu ba beye mazoho kuli, “Lumba Mulimu ka moyo wa hao.” Li aletare za luna kwanu kwa katala litezi banana ni zeñwi, halukoni ku ba lumeleza kutaha kwanu.

Mwa musipili wa lifasi, kuzwa mwa lifasi kuya
kwa Kanya,
Ni kupa fela kuba inge Yena.

Libenye ku na, Oh, libenye lu na,
Tuhela Liseli le lizwa kwa ndu ya maseli,
libenye ku na;
Oh, libenye ku na, Mulena, libenye ku na,
Tuhela Liseli le lizwa kwa ndu ya maseli,
libenye ku na.

²⁶⁴ Mwa ikutwa hande? Kana mwa ikutwa hande? Ha mu si ka tabela kuba Mukreste nji? Mu swalane mwa mazoho ni mutu yali bukaufi ni mina cwale, haluka opela pina yakuli, *Luka Zamaya Mwa Liseli*, ona Liseli lelinde le, ili Liseli la Mulena Jesu Kreste le li bonahalile mwa nama.

Luka zamaya mwa Liseli, Liseli lelinde luli,
Le litaha ko ku monyeha maloteli a sishemo;
Libenye mwahala luna, musihali ni busihu,
Jesu, ki Liseli la lifasi.

Amu iopele, mañi ni mañi:

Lu ka zamaya mwa Liseli le, ki Liseli lelinde,
Le litaha ko ku monyeha maloteli a sishemo;
Libenye mwahala luna, musihali ni busihu,
Jesu, ki Liseli la lifasi.

Amutahe, mina babakenile kaufela ba Liseli
mubulele muli,
Jesu, ki Liseli la lifasi;
Mi milangu ya Lihalimu ika lila,
O Jesu, ki Liseli la lifsi.

Amu nanule mazoho a mina cwale:

Lu ka zamaya mwa Liseli, Liseli lelinde,
Le litaha ko ku monyeha maloteli a sishemo;
Libenye mwahala luna, musihali ni busihu,
Jesu, ki Liseli la lifasi.

Lu ka zwelapili kuzamaya mwa Liseli le, Ki
Liseli lelinde,
Le litaha ko ku monyeha maloteli a sishemo;
Fela libenye mwahala luna, musihali ni busihu,
Jesu, Ki yena Liseli la lifasi.

Lu ka zamaya mwa Liseli le (Liseli la
Evangelii), Liseli lelinde,
Le litaha ko ku monyeha maloteli a sishemo;
Libenye mwahala luna, musihali ni busihu,
Jesu, ki Liseli la lifasi.

²⁶⁵ Kwa mulaho kwa simuluhu, kwa Pentekota fani Moya o Kenile ha u to suluhela fa Keleke. Liñusa la taha mwa Smurna; kwa taha Irenaeus, muhalehi yomutuna wa Mulimu, kubulela ka malimi, mata a Mulimu, kuzusa bafu, kufolisa bakuli, Na sweli kuzamaya mwa Liseli. Kuzwa yena kwa taha Columba, muhalalehi yomutuna ya mata wa Mulimu. Babañwi ba bahalalehi babatuna kutisa Liñusa ka kushetumuka, kuzamaya mwa Liseli, ili Liseli la Evangelii, ona Liseli leliswana lene li monyehile la Lizazi la Pentekota; Kreste u yemi mwahala sicaba sa Hae, mi ona malambi a sebene ani na bonisa tabo ya Hae sina lizazi mwa mata kucisa kwa lona.

²⁶⁶ Ki luna ba fa mwa 1961:

Lwa zamaya mwa Liseli le, Ki Liseli lelinde,
Le litaha ko ku monyeha maloteli a sishemo;
Oh, libenye mwahala luna musihali ni busihu,
O Jesu, ki Liseli la lifasi.

Halu yemeñi:

Lu ka zwelapili kuzamaya mwa Liseli le, Ki
Liseli lelinde,
Le litaha ko ku monyeha maloteli a sishemo;
Libene mwahala luna musihali ni busihu,
Jesu, ki Liseli la lifasi.

Kana mwa Mu lata?

Na Mu lata, Na Mu lata,
Kakuli (feela ki kuli) U ni latile pili,
Ni kulela puluso yaka
Fa kota ya Kalvari.

²⁶⁷ Hakusana ku kutela kwa lika za lifasi hape. Ni shwile kwa lifasi mi ni lifasi li shwile ku na. Ni zamaya fela ku Kreste, ni zamaiswa ka Moya o Kenile. Na Mu lata kakuli Wa ni lata, mi u benyeza limbuyoti za Hae fahalimwa ka, u ni fa tumelelo ya kukena mwa Mubuso wa Hae. Cwale lu bana ba bashimani ni

basizana ba Mulimu, mi ha ku si ka zibahala kale mo lu ka bela kwa mafelelezo; kono lu ziba kuli lu kaba ni mubili o swana ni mubili wa Hae o kanya, kakuli lu ka Mu bona ka Mwa inezi.

Kipeto lu ka zamaya mwa Liseli, ili Liseli
lelinde,
Le litaha ko ku monyeha maloteli a sishemo;
Libenye mwahala luna musihali ni busihu,
Jesu, ki Liseli la lifasi.

²⁶⁸ Kana mwa Mu lata? Mwa ziba, kasamulaho wa liñusa le li pumaka ni lika kaufela, Ni tabela ku utwanga batu ha ba kena mwa lipina ni kukena mwa kulumbeka ni kuopela mwa Moya. Hakuna nto yende yefita muopelelo wa lipina zende za kale. Yeo ki niti. Ni lata muopelelo o munde wa mufuta wa pentekota; isiñi lipina za ku kolola manzwi fa mumizo ni ku tibuluha hahulu ni kufitela ubonahala mubala wa bu ndilu fa sifateho, kanti ba palelwa kuziba ze ba opela. Ni tabela kuba ni mutu ya sa koni kudodoma inge yali mwa sizuma kono ki yana ni Mbuyoti ya Pentekota, cwale usweli wa li opela. Oh, haki—haki kanya yeli mwa lipina zende zani za sifapahano! Oh, mawi!

Pina yaluna ya ku zwa ka yona cwale:

U nge Libizo la Jesu,
Mwana wa manyando ni bumai;
Li ka kufa tabo ni nyakalalo,
U li nge ko uya kaufela.

Kamuso busihu ka sebene kiloko, sebene kiloko isa luma fela nkaa, lisebelezo za kala.

Ka Libizo la Jesu lwa kubama,
Lu kubama kwa mahutu a Hae,
Mulena wa malena mwa Lihalimu lu ka Mu
apesa mushukwe,
Foo musipili wa luna haufela.

Halu opeleni kaufela cwale:

Unge Libizo la Jesu,
Mwana wa manyando ni bumai;
Li ka kufa tabo ni nyakalalo,
Oh, u linge ko ya kaufela.
Libizo Lelinde, Oh kwa munati!
Sepo ya lifasi ni tabo ya Lihalimu;
Libizo Lelinde, Oh kwa munati! (Kwa munati!)
Sepo ya lifasi ni tabo ya Lihalimu.

²⁶⁹ Cwale, lu ifelize busihu boo. Kuna . . . ni ya ni buzize fela cwale, “Haiba ku kaba sebelezo kakusasana?” Batili, kamuso nya, mu yo pumula kamuso. Mwendu kamuso busihu, Hanina ku kona kufeza liñusa hande, kona kuli Ni ka linga zazi lelitatama. Nako ifi kaufela ha Ni palelwa ka za . . . liñusa le ka kutala, Ni li isa kwa lizazi le litatama. Kono luna ni mundandwe wo, Ni

lumela kuli mwa ziba hande ka za Masika a Likeleke. Nji cwani?
Ku lukile.

Ha lu inamiseni litho za luna fa nako nyana halunze lu opela
ka kukuza cwale:

Ka Libizo la Jesu lwa kubama, (Lulimi kaufela
luka bulela.)

Lu kubama kwa mahutu a Hae,
Mulena wa malena mwa Lihalimu lu ka Mu
apesa mushukwe,

Foo musipili wa luna haufela

Libizo Lelinde, Oh kwa munati!

Sepo ya lifasi ni tabo ya Lihalimu;

Libizo Lelinde, Oh kwa munati! (Kwa munati!)

Sepo ya lifasi ni tabo ya Lihalimu.



PONO YA PATMOSI LOZ60-1204E

(The Patmos Vision)

MUKOLOKO WAZA SINULO YA JESU KRESTE

Liñusa le ka Muzwale William Marrion Branham ne li kotalizwe lwa pili mwa Sikuwa la Sunda manzibwana, Ñulule 4, 1960, ili fa Branham Tabernacle, mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi i hatizizwe ni kuhasanyiwa ki ba Voice Of God Recordings.

LOZI

©2020 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org